

# GO LEKA GO DIRELA MODIMO TIRELO LE GE E SE THATO YA MODIMO



A re tšeeng sebakana re emeletše ge re rapela. A re inamišeng dihlogo tša rena.

Morena, re thabile mosong wo go ba gape ka ngwakong wa Modimo, go tirelo ye nngwe. Gomme re rapela, Modimo, gore O tla re phošolla mosong wo go diphošo tša rena ka moka. Re laetše tsela ye O e beilego gore re kgone go sepela. Gomme re neele ya Gago kgaugelo le lerato, gore re kgone go latela ditsela tšeo le ditšhupetšo ka dipelo tša rena ka moka, gore re kgone go hwetšagala, ka letšatši leo, ka go Kriste, re hloka bosodi, ka gore re dumela, Morena, gore go bonagala ga Gagwe go kgauswi.

<sup>2</sup> Re bona maswao ka moka ao A rilego a tla ba gona pele ga go Tla ga Gagwe, bjale a phethagatšwa. Gomme ka lethabo re lebeletše sebaka seo. Bjalo ka Abraham wa kgale a ile a lebelela morwa wa tshepišo, gomme a bona maswao ao a mafelelo a Modimo a etla tlase lefaseng, gona o ile a tseba gore go ka se be telele go fihla morwa a etla. Gomme bjale re bona e ipoeletša gape. Jesu o re boditše gore, “Ge tše dilo di thoma go tla go feta,” go emišetša godimo dihlogo tša rena, gore ya—ya rena topollo e be e batamela kgauswi, “go se kwešišege ga nako, thulano ya ditšhaba, ditšhišinyego magareng ga lefase mafelong a go fapana, lewatle le a rora, dipelo tša batho di palelwa ka letšhogo.”

<sup>3</sup> Re lemoga gore re ka iring yeo, ge ditšhaba di sa tsebe gore di dira eng. Ntwa ye nngwe e a tla, go lebelelega bjalo. A selo sa go tšhoša se tla bego! Lefase le gogela go arogana, borasaentshe ba e bolela gore selo se sengwe se se mpe se batametše. Re bona Beibele e bolela ka se. Ka gona, Morena, re thuše lehono go ema ka mo ntlong ye ya phošollo, gomme re tšee ditaello go tšwa go Modimo wa rena, re ye pele mo iring ye ya leswiswi, go phadimiša Seetša, ka gore e ka ba sebakabotse sa rena sa mafelo go dira seo. Ka gore re kgopela ka la Jesu Leina le legatong la Gagwe. Amene.

Le ka dula.

<sup>4</sup> Ka nnete ke bona wo e le monyetla wo mokaone, go ba mo ka tabarenekeleng mosong wo. Gomme a e be tshwarelo ga re na le kamora ya bodulo, magareng, ya lena. Gomme lefelo le tletše go falala, gomme le eme ka moka ka ntle.

Lena batho ka ntle bjale, le kgona go kwa se ka radiong tša lena. Ke lebetše. . . [Yo mongwe o re, “Masometlhanotlhano go ya masometlhanošupa.”—Mor.] Masometlhanotlhano go ya go masometlhanošupa. Lena batho ka ntle, gomme le ntle mafelong a go ema, le mekgotheng, le kgona go kwa se radiong tša lena, gareng ga masometlhanotlhano le masometlhanošupa go di radio tša lena. Ka fao re lekile. . .

<sup>5</sup> Ke be ke bowa, go le bjalo, go ba fa, go leka go ba le kopano ya matšatši a lesome, go bolela ka thuto ya *Meruswi Ye Šupa Ya Mafelelo*. Ka gore, magareng ga Meruswi yeo ke Diphalafera. Gomme ke be ke le botša gore ka go. . . ge ke be ke eya go rera ka Diphalafera tše Šupa, gore ke tla di tliša mmogo le Meruswi le Dikotlo. Gomme ke ile ka gopola gore e tla ba nako ye botse. Ke sa tšwa go bowa Afrika, gomme—gomme bana ga se ba ba le maikhutšo a bona.

Mošemane wa ka yo monnyane, Joseph, o—o bile le sengwe se sennyane. . . o nyaka dibeke tše mmalwa go ithuta go bala ga gagwe. O tšweletše, tšohle gabotse, eupša o be a se ka mo a tlwaetšego. Ka fao re mmeile ka Tucson, ka fao, ge ke be ke le Afrika, gomme o ile a tšwela pele go bala gomme a swara tšeo di šaletšego, ka matšatši a mmalwa a sekolo.

Gomme ka gona ge re boile. Gomme ka gopola, ge bana ba sa le maikhutšong a bona, nka kgona go ba le kopano ye nnyane le batho mo, gomme ka rera dithuto tše. Eupša ge re fihla mo, re hweditše gore re ka se hwetše otithoriamo ya sekolo.

<sup>6</sup> Gomme ke tsebile gore tabarenekele e be e se ya lekana go dula batho, gomme go ba dira gore ba iketle ka tsela yeo ge nkabe. . . ge ke na le Molaetša wo, ka fao ra swanela ke—ke go dira peakanyo ye e fapanego. Gomme lebakeng la gore re—re be le mašego a lesome ao re beng re beakantše go ba nao, go lokile, ke e dirile feela ditirelo tše pedi tša Lamorena; Lamorena le, Lamorena la go latela, gomme Lamorena la go latela, ditirelo tše pedi. Ka fao, gomme ga se nke re e dire kwalakwatšo.

Gomme, ka gona, ge yo mongwe a kwele ka tsela ye nngwe gore dikopano di ya go thoma ka la masomepediseswai, ka otithoriamong ya sekolo, ge Modimo a e dumetše, go lokile, ge eba o na le bagwera gomme le dirile dipeakanyo ka dimoteleng, ke—ke—le a e khantshela, le a bona, gobane yeo—yeo ba, ga re na le tsela ye kaone go ba le yona. Ga ba kgone go hwetša—diotithoriamo tša sekolo.

<sup>7</sup> Gomme bjale ke nyaka go bolela, feela ka ditirelo tša boebangedi ka Lamorena mesong. Gomme Lamorena bošego ke nyaka go ba le thapelo ya balwetši. Gomme re tshepha gore Modimo o tla kopana le lena batho ba ba babjago. Ga ke tsebe gore Billy o ya go le hlokomela bjang; ke nagana, go fa

dikarata tša thapelo, goba mokgwa wo mongwe, ditsela tša go laola phuthego. Eupša re tlo dira ka moka re ka kgonago go rapella motho yo mongwe le yo mongwe mo dibekeng tše tharo di latelago re ikemišeditšego go ba le ditirelo go tšona, ge e eba thato ya Morena.

<sup>8</sup> Gomme ka dinako tše ntši go ba le dipoledišano motho ka motho, yo mongwe o nyaka go go bona motsotso ka se sengwe goba se sengwe se se bjalo. Gomme re tla ba le . . . Ke ba bakae ba nyakago poledišano motho ka motho, a re bone seatla sa lena. Wow! Ke mang a sego? Ka fao ka gona re a . . .

<sup>9</sup> E tla ba mo go thata go di hwetša, ka fao ngwalang dikgopelo tša lena gomme le di romele, di beeng le Billy, ka gona nna ke tla di hwetša fao. Gomme, bjale, o tla tsebiša ka, ke a kamaka, dikarata tša thapelo, ge di tlo ntšhetšwa ntle.

<sup>10</sup> Ke ba bakae banešu ba bareri baleng fao mosong wo? Ga se re be le sebaka sa, ga ke kamake . . . A le lemogile yo mongwe wa bona? Ke bareri ba bakae ba baleng fa mosong wo, a le ka emiša diatla tša lena? Goba, le emelle. A re bone gore ke bareri ba bakae baleng ka tirelong mosong wo. Go lokile, gabotse! Leboga Morena ka banna ba. Ke duma ge nkabe re na le nako go ba lemoga yo mongwe le yo mongwe, eupša ke na le nnete gore le a ba bona. Gomme re . . . Modimo o ba tseba ditirelong tša bona, gomme re rapela gore Modimo o tla ba šegofatša kudu. Gomme, go se dipelaelo, bontši bja bona ba tswaletše ditirelo tša bona, gore ba be fa. Ngwanešu Junior Jackson le, ke a thanka, Ngwanešu Don Ruddell, gomme go na le kgašo ye ye etlang dikerekeng tša bona. Gomme ka gona, gape, godimo ka New York le mafelo a mangwe go kgabola setšhaba, ye ke ka mogala wa sephiri go kereke ye nngwe le ye nngwe mosong wo.

<sup>11</sup> Ke thabile go bona Ngwanešu Richard Blair a dutše fa. Ke sa tšwa go bala lengwalo la selo se segolo se Modimo a se dirilego magareng ga batho fale. Letšatši le lengwe, ge ke kwešiša . . . nka be ke le phošo, Ngwanešu Blair; ge e le nna, mphošolle. O be a bereka, a thuša monna go beakanya dithapo tša lephakana goba se sengwe, ke dumela e be e le seo. Ke badile lengwalo. Gomme ba boetša se sengwe morago, gomme, go le bjalo, e ile ya tšhabešetša lephoto la mothakgase ka meetseng fao mošemane yo monnyane a beng a le, tee . . . mo—monna yo lephakana e bego e le la gagwe, mošemane wa gagwe yo monnyane, e no ba moisana yo monnyane, gomme wa bolaya mošemane yo monnyane. Gomme mpa ya gagwe e be e rurugile. Re tseba go tlabolwa ke mohlagase, ke seo, ge ba e hwa, seo ke se se diregago. Mahlwana a mannyane a dutše; meno a gagwe a ile mmogo.

<sup>12</sup> E makaditše baena ga bohloko. Ngwanešu Blair o rile o be a gopotše gore a ka kgona go nkhwetša mo gongwe, go e rapelela, eupša a elelwa gore e be e le yeo, “Mo gongwe le mo

gongwe ba babedi goba ba bararo ba kopanego ka Leina la Ka, fao Ke gona magareng ga bona.” Gomme tate o apotše menwana ya gagwe a leka go fihliša menwana ya gagwe ka ganong la mošemane yo monnyane, go o aroganya gore o bulege. Gomme ba khunama fase gomme ba thoma go rapelela mošemane yo monnyane, gomme a bowa bophelong gape.

<sup>13</sup> A seo e be e le therešo, Ngwanešu Blair? Yo motee wa banešu ba go botega mo. Oo, mošemane yo monnyane o fa. Go lokile, leboga Morena. Seo se lokile. Re rata gore o eme, mošemane yo monnyane. Bjale, re leboga morategi Morena ka se. A ke tate wa mošemane yo monnyane? A o tate? Seo ke therešo. Gomme fa ke Ngwanešu Richard Blair. Modimo wa rena o kgona go dira se sengwe le se sengwe. Eye, mohlomphegi. O e tshephišitše. Re phela Bogoneng bjo Bokgethwa bja yo mogolo, wa letago, Tate wa Legodimong. Gomme dilo ka moka tše re. . . di a kgonega ge feela re ka e dumela.

<sup>14</sup> Le a bona gore seo se dira eng, seo se e lefileng ka bophelo bja monna yola go dumele seo? E phološitše mošemane wa gagwe yo monnyane. Bjale, Modimo o bile le bahlanka ba gagwe ba go botega fao, go. . . Ngwanešu Blair le bona, go rapella mošemane yo monnyane ge a be a le leemong lela. Eye, ge se sengwe se direga, gopola, le bana ba Modimo yo a phelago.

“Mo gongwe le mo gongwe ba babedi goba go feta ba kgobokanang ka Leina la Ka, fao Ke gona.” Gomme gape go ngwadilwe, “O gona ka nako go thuša ge go le bothata.” Gomme ge eba go bile le bothata, e le mošemane yo monnyane a letše fale, a hlokofetše, godimo ga lefase, go tšwa go go tlabolwa ke mohlagase wo o putlileng go yena. Ka fao re leboga Modimo mosong wo, ka dipelo tša rena ka moka, ka tše, ka dilo tše A re diretšego tšona.

<sup>15</sup> Modimo a šegofatše banna ba ba go tshephega, le bona. Ka nako ya tšhoganetšo yeo ke nako ya go lebella go Modimo. Gomme wa lebella go Yena, gomme o be bogwereng le Yena pele nako ya tšhoganetšo e fihla. Re tseba se. Ge re hweditše thekgo go Modimo, re ka kgopela sengwe le sengwe go Yena, go swana le ka fao o ka bago go mogwera yo mongwe, gomme Yena ke thušo ye e leng gona ka nako ya bothata.

<sup>16</sup> Ke sa tšwa go kopana mokgotheng, maabane, kgaetšedi ya Ngwanešu John Martin. Ke be ke. . . Yo mongwe o nkemišitše tlase ka mokgotheng, gomme yo mongwe a go feta gomme a emiša seatla sa bona. Go boweng gae, o a tseba, o bona batho mo gohle, ba ema gomme ba swarana ka diatla, gomme le go ya pele. Gomme mohumagadi yo, ke a gopola ba mpiditše kgauswinyana, fao yo mongwe a mo thutšego ka morago, a le ka mmotoro, o gobaditše mokokotlo wa gagwe gomme ka moka godimo le fase. O be a tlo palelwa ke go itshepetša bophelo bja gagwe ka moka. O dutše ka mo kopanong mosong wo, a ipshina

ka Bogona bja Modimo. Ke be ke sa bolela le yena ka kamoreng. Ke nyaka go rapela le yena, gape. Gomme o be a . . . O gona mo gongwe fa. Ke a thanka ga senke a boela ka gare.

Eupša, mo, nnete, o dutše mmogo le rena kgauswi. Seo ke therešo. A o ka ema motsotso feela, kgaetšedi, gore batho ba . . . Šo mohumagadi yo ngaka e rilego, matsatši a go feta a mmalwa, a ka se kgone sepela, mokokotlo o phatlogile le tše dingwe, go tšwa go lentlhakga—lentlhakga. Gomme o eme fao, a feletše.

O a tseba, Beibele e rile, “Gomme ba ka se bolele selo kgahlanong le sona, gobane monna o be a eme magareng ga bona.” Seo ke therešo. Fa go mošemane yo monnyane a tsošitšwe go tšwa lehung, gomme go na le mosadi a bego a gobetše mokokotlo, o eme magareng a rena. E nno dirwa, ka fao O a swana maabane, lehono, le ka gosafelego. Leina la Morena e be le le šegofatšwago! Re swanetše re thabe gakaakang ge re phela Bogoneng bja Gagwe, gomme re tsebe gore sebakeng se O a re thuša ka nako ya mathata.

Ke thaba go bona Ngwanešu Vayle, Ngwanešu Martin, ba bantši mosong wo. A Morena a le šegofatše baena, kudu. Bjale ke . . .

<sup>17</sup> Ke a tseba gore ga go tonye kudu ka mo, le lešaba le ka moka, eupša go le bjalo, ge ke tloga Tucson letšatši le lengwe, e be e ka ba lekgolo le nne goba tlhano. Gomme e le kgauswi le bošegogare, e be e le masomesenyanetharo, gomme ka fao se se kwala e le se sebotse gabotse go nna. Gomme ka Parker ba re e be e lekgolo masommenne, Labohlano pele re tloga. Gomme o ka kgona go gopola gore e be e le phišo ye kae. Ka gobane, ke ka leganateng.

<sup>18</sup> Gomme, bjale, Malamorena a mararo a a latelago. Lehono, la lesometlhano, ke a dumela, ke nnete yeo, goba lesometshela; lesometlhano, a ga se lona? Lesomeseswai, gomme masomepediseswai, gomme le pele Agosetose, (a seo ke therešo?) Agosetose. La masomepeditlhano . . . Lesomeseswai, masomepeditlhano, gomme pele, go tla ba ditirelo ka tabarenekeleng. O se ke, o a tseba, o hwetša bontši ka go yona, gobane, le a bona, ga re kgone go hwetša sa ka gare, gona ke eng fa bjale, ka gare, o a tseba, gomme e ba ya go befa. E no bowa ge o kgona.

<sup>19</sup> Gomme ke mo gore matrustee a tle mmogo. O ka re ke beelwa ka ntle go ka moka ge tše di sa dumele ka lefelo la go swara kopano, le ge ke ikwa ke etwa pele go e dira. Ka fao ke a nagana ke ya go kgopela ge re ka se hwetše tente ya rena gomme—gomme ra e hloma, gomme ra dula fao, le a tseba. Tšwela ntle mo ka phakeng ya polo, goba ka ntle polaseng, gomme re e šuthiše go tloga lefelong go ya lefelong, feela ka ge Morena a tla eta pele. Gomme ke kwa gore se ke se A tlogo go se dira. Le a tseba, go na le pono yeo e amago seo. Gomme ke nagana gore mohlomongwe lebaka le se se direga . . . Bjale, le a

tseba, nako ye ntši re nagana gore e mpe ka gore dilo tše dingwe di direga, eupša, o a tseba, seo e ka ba Modimo, le a bona, go go sepedišetša ka go dilo tše. Ge, A e boletše, O tla e dira.

<sup>20</sup> Mašego a se makae a go feta, bontši bja lena, e ka ba kgwedi pele ke e ya ka Afrika, ba bantši ba lena le ka be le na le theipi, go lena batho le nang le ditheipi, tša, *Go Kgetha Monyalwa*, e rerilwe ka California. Metsotso ya mafelelo ya theipi yeo, ga ke gopole ke ile ka ba fale. Eupša Moya wa Morena o tšile ka tsela yeo. Ke kgale ke ba kgalemela ka tsela yeo ba phelang le go dira, gomme ka morago ga ge Ebangedi e rerilwe gomme e tsebagaditšwe go bona ka mokgwa wo. Ka gona, ka moka ka pejana, Moya wo Mokgethwa o boletše gomme wa re, “Kaperenaume,” le a bona, “motsemogolo yo o ipitšago ka bowena ka leina la barongwa,” yeo ke Los Angeles, “wena o phagamišitšwe Legodimong, eupša o tlišwa tlase go hele.” Le a bona? Gomme ka gona ka morago ga ge go fedile, go reng, ke be ke le ka ntle, gomme Ngwanešu Mosley le Billy ba na le nna. Gomme ba re...Ba boela morago gomme ba lebelela, gomme lebato lohle le be le tletše batho, bareri ba sehumula.

<sup>21</sup> Gomme ka ya gomme ka hwetša Lengwalo. Ka re, “Go na le se sengwe ka seo ka Beibeleng.”

Gomme e be e le Jesu a kgalemela Kaperenaume, metsemogolo ya lebopong ka moka A e etetšego. Ka baka la eng, O rile, “Kaperenaume, wena o phagamišetšwa Legodimong, o tla tlišwa fase go hele.” O rile, “Ka ge mediro e ka be e dirilwe ka Sodoma le Gomora ye e dirilwego ka go wena, e ka be e sa eme lehono.” Gomme ka nako yela, Sodoma le Gomora di be di le tlase ka botebong bja lewatle.

Gomme ka morago ga seo, e ka ba mengwaga ye lekgolo goba se sengwe, ka morago ga seporofeta sa Jesu, Kaperenaume, motsemogolo wa lebopong A ilego a o etela, tšhišinyego ya lefase ya o subeletša ka lewatle. Gomme o tseba gore seo ke tšwa karabo ya California, go Los Angeles.

<sup>22</sup> Gomme ka Tucson letšatši le lengwe, sebakana ke sa tšwa go fihla, tšhišinyego ya lefase ye kgolo e diregile ntle kua. Gomme borasaentse ba be ba le thelebišeneng ba e thala ntle. E be e le dipampiring. Gore, lefase, letšatši le lengwe, le arogane go tšwa go Dihlakahlaka tša Aleutian, goba go tšwa Alaska, go dikologa Dihlakahlaka tša Aleutian, e ka ba dimaele tše makgolopedi go ya ka lewatleng, go tla morago ka San Diego, go ya go dikologa Los Angeles, gomme go tla go tšwa ka San Diego. Gomme le gogilwe go tlemologa ka diintšhi tše mmalwa. Mengwako e phuhlame. Dimothele di wetše.

Gomme borasaentshe ba ba leng sehlopheng se ba—ba botšišwa. Ba re, “Go lokile, yeo e ka kgona go wa letšatši le lengwe?”

23 A re, “Kgona? Go tla wa!” Gomme o šomišitše maina a saentshe ka mo leraga la mollo le... Seo ke se se hlotšego ditšhišinyego tše tša lefase nako ye ka moka, kgauswi le San Diego gomme tlase fale. E bile lefelo la lešoba. Gomme bjale ka moka ga lona le thoma go wela, bjalo ka lešabašaba le tšhologela ka gare, gomme bjale e omeletše. Gomme e e gogile ya hlepha, diintšhi tše mmalwa. Ba ka tšea rada le se sengwe, gomme ba latela mopalego wola, gomme ba o marake. Ke e bona mo e bego e le.

Gomme e gogile go hlepha, diintšhi tše mmalwa go feta, mohlomongwe tše pedi goba tše tharo diintšhi letšatši le lengwe, gape, thwi ka morago ga ge seporofeto sela se filwe.

Gomme le bona ba ba beng ba botšišana le borasaentshe, ba rile, “Go lokile, mohlomongwe e ka se be lebakeng la rena.”

24 O rile, “E ka ba mo metsotsong ye mehlano goba mengwaga ye mehlano; eupša e ya go wela ka gare.”

25 Mdi. Simpson, ga ke gopole gore o na le rena lehono. Goba, ke bona Ngwanešu Fred a dutše fa, eupša ga ke tsebe gore Mdi. Simpson o kae. O ile gomme a hwetša seporofeto se ka go se dira, ka 1935 goba se sengwe sa go swana le seo, gomme a re, “Nako e tlo tla,” e ngwadilwe ka pukung felotsoko, “gore lewatle le tla tšhologa ka tsela ya lona go ya ka leganateng.”

Lebella seo se tla diregago. Ge eba dikete tše tša disekwere maele di wela ka gare ga leraga le mollo wa lefase, gomme di thedimogela latelana, go tla ba dimilione tšeo di hwang ka nako e tee. Gomme seo se tla hlola mafula a magolo! Gopola, a hubela ka Lewatleng la Salton, ke lekgolo goba makgolo a mabedi a meelo ya maoto ka tlase ga lewatle. Meetse ao go ka kgonega gore a tla ka Tucson, le wona maphoto a etla ka kua. “Gomme lewatle la tla tšhologa ka tsela go ya ka leganateng.”

Ditšhaba di a šwalalana, Israele e a tsoga,  
Maswao ao baporofeta ba a boleletšego pele;  
Matšatši a Bantle a badilwe, ka menagano e  
rwelwe;

Bowang, O lena le šwalaneng, go wa lena.

26 Re nakong ya mafelelo. Bjale, Morena a le šegofatše kudu. Ke thomile yeo gomme ke lebetše ka nako. Re tlo subella ka potlako, ka go potlako, go ya ka Gosafelego, go le bjalo.

27 Gomme bjale ka go Mokgethwa Mareka, ya 7 tema gomme ya 7 temana, go tliša hlogotaba ya thuto ye e sa tšwang go balwa ka go tša Pele Dikoronika 13. Go dira hlogotaba ya se, ke nyaka Mareka 7:7.

*...ka lefeela ba re ba nthapela, ba ruta thuto tša  
malayabatho.*

28 Bjale, ga ke tsebe selo eupša Molaetša wo Morena a mphilego, gomme seo ke se nka bolelago ka sona. Gomme



bjale, ke ya go bolela ka thuto ye mosong yeo ke gopolang gore e tla ba ye kaone. Gomme bošego bjo ke nyaka go bolela ka, “nama ka lebaka la gona,” ge Morena a dumella: *Dijo Tša Semoya Lebakeng La Gona*, gomme o Di amogela bjang. Bjale, mosong wo: *Go Leka Go Direla Modimo Tirelo Le Ge E Se Thato Ya Modimo*.

<sup>29</sup> Modimo ke yo a ikemego. Gomme re bona fa seo Dafida a se dirileng, ge re bala Lengwalo la Pele Dikoronika 13. Gomme o be . . . Maikemišetšo a gagwe a be a lokile. Eupša Modimo ga a re fe meputso ka maikemišetšo a mabotse. Go na le tsela e tee feela ya go direla Modimo, ke ka tsela ya go dira thato ya Gagwe ka taelo ya Gagwe. Gomme Modimo, e le yo a ikemego, ga go na le o tee a ka Mmotša gore a dire eng goba a e dire bjang. O e dira ka tsela, O tseba tsela ya nnete ya go e dira. Gomme se se ntira gore ke ikwele gabotse. Gomme e swanetše go re dira ka moka re ikwele gabotse, gomme ke na le nnete e a dira. Ka, yo motee o na le yona E etla ka tsela *ye*, gomme yo motee o na le yona E eya ka tsela *yeo*, gomme yo motee ka tsela ye nngwe.

<sup>30</sup> Eupša setee se segolo selo, gape, ka Modimo, Yena ga se a re tlogela, bjale, ntle ga go tseba seo e leng Therešo gomme le mokgwa wa go e dira. O be a ka se loke, go re o tla ge re dirile se sengwe seo re beng re sa tsebe gore se a go dirwa bjang, gomme a re tlogela ra thetšwa ka go se sengwe. Ga se Modimo wa ka tsela yeo. Ke Modimo yo a bolelago Lentšu gomme a letela bana ba Gagwe go Le dumela. Gomme, ka fao, O tseba se e leng se botsebotsebotse, gomme le gore o se dira neng, gomme le gore o se dira bjang. Re na le dikgopolo tša rena ka yona, eupša O a tseba.

<sup>31</sup> Gomme ge a ile A bea tshepedišo, seo ke se A tlilego go se dira, gomme ga se a ke a re botša seo se tlogo direga gomme le ka fao se tlogo go direga, gomme re, ra se thula, go tla ba—go tla ba tokafatšo ka—ka go thuleng ga rena; goba, go leka go dira se sengwe, yo mongwe le yo mongwe o tla lokafatšwa. Eupša go na le tsela e tee feela, gomme yeo ke Lentšu la Gagwe.

<sup>32</sup> Gomme se sengwe, Dafida fa, re bona gore ka pelong ya gagwe o nyakile go dira se sengwe seo e beng e le se sebotse. O be a se na le tšhušumetšo ye mpe, goba maikemišetšo a mabe. Eupša, ntlo, goba areka ya Morena, e be e le kgakala le—le batho, gomme o be a nyaka go tliša areka ya Modimo morago lefelong la yona, gore batho ba tle ba kgone go botšiša Modimo ka dilo tše ba bego ba di nyaka.

<sup>33</sup> Legatong la—la gore e tlogele e ikele, re . . . Go ka reng ge Ngwanešu Blair le tatago mošemane yo monnyane ba rilego, “Go lokile, ke ye mpe ga kudu, ngwana o sa tšwa go gobala, a bolawa. Ke a thanka, se sengwe se diregile?” Eupša ba ile ka potlako go Modimo.

<sup>34</sup> Go ka reng ge mohumagadi yo monnyane, gomme le monna wa gagwe, moreri wa Ebangedi, mašego a mmalwa a go



feta, goba matsatši, ge mohumagadi yo monnyane a be a na le mokokotlo wa go palega, yo a emeng bjale. . . Ngaka e rile, “O tla golofala bophelo bja gagwe ka moka.” Go ka reng ge monna le yena ba ka be ba rile, “Go lokile, hani, re tla no ikhomotša go yeo”? Eupša ka potlako ba dirile se sengwe ka yona; ba ile go Modimo. Ke dilo tše kae ka Beibeleng re ka ithutago ka tšona, tša ka fao ge batho ba wela bothateng, ba eya go Modimo!

<sup>35</sup> Go lokile, ka gona, ka matsatšing ale, ba be ba na le lefelo le letee la kopanelo mo ba ka kopanang le Modimo, gomme fao e be e le ka arekeng, ka tlase ga madi. Leo ke lefelo le nnoši la go kopana, ka tlase ga Madi. Setulo sa Mogau se be se fafaditšwa, go fa mogau go morapedi, goba mkgopedi, ge a tlile go kgopela boipobolo go Modimo. Gomme Modimo o be a na le tshepedišo ya go ikgetha, ka tsela ye o swanetšego go ya, gape, ka yeo, gomme O be a ka se amogele se sengwe gape. O be a ka se amogele tshepedišo ye e itšego ye nngwe; feela ka tsela ye A go e lokiša.

<sup>36</sup> Kgauswinyana ke sa tšwa go rera ka Molaetša, bontši bja lena le tseba ka Wona, gore, lefelo le nnoši le filweng le Modimo a kopanang le morapedi, lefelo le A rilego, “Ke tla bea Leina la Ka.” Ge re ka hwetša kereke ye A beago Leina la Gagwe ntshe, gona re hweditše lefelo. O rile, “Nka se go šegofatše dikgorong ka moka; feela dikgorong tše Ke beang Leina la Ka ntshe. Ke tla le bea lefelong le tee, gomme le swanela go kopana le Nna fao; gomme leo ke lefelo le nnoši Ke tla kopanago le lena.” Gomme re a hwetša, go kgabola fao, fao A beago Leina la Gagwe, gomme leo ke lefelo le nnoši A kopanang le morapedi. Gomme Leina la Gagwe e be e le Jesu Kriste. Leina la Modimo ke Jesu Kriste.

<sup>37</sup> Jesu o rile, “Ke tla ka Leina la Tate wa Ka.” Morwa yo mongwe le yo mongwe o tla ka leina la tatagwe. Gomme O tlile ka Leina la Tate.

“Gomme ga go na le Leina le lengwe ka tlase ga Legodimo le filwego gareng ga batho,” go sa kgathale gore e bitšwa Methodist, Baptist, Presbyterian, kereke ya Kriste, goba se sengwe e ka dirwa. Go na le lefelo le tee feela leo Modimo a kopanang le monna, gomme fao ke ge a le ka go Jesu Kriste, lefelo le tee feela. Gomme dilo tše ka moka tše tša kgale morago fa ka tlase ga Testamente ye Tala, di swantšha seo. Ke nyaka gore le e kwešiše gabotse. Bjale, ke thuto ya sekolo sa Lamorena. Ke na le Mangwalo a mangwe le dinoutse ke ngwadile fase mo. Ke gopotše gore se se tla le thuša go kwešiša, bjalo ka ge dilo tša kgale di direga go ba mehlala go rena.

<sup>38</sup> Bjale, re hwetša gore Modimo o be a na le tsela ya go dira dilo. Eupša Dafida, a sa tšwa go šegofatšwa ke Modimo, bjalo ka ge a bile, gomme a ba kgoši, o nno nagana gore a ka direla Modimo se sengwe, ka mkgwa wo mongwe. Gomme ga se nke a ya go yona ka tsela ya maleba.

<sup>39</sup> Re ela hloko, Modimo o utolla Lentšu la Gagwe ka sehla sa gona ka kgethelopele ya Gagwe Mong. Bjale, a Martin Luther a ka be a tsebile bjang ka Molaetša wo lehono? A e ka ba Mapresbyterian a be a ka kgona bjang? A e ka ba Martin o be a ka kgona. . . goba kereke ya Katoliki ya tseba molaetša wa Martin Luther? A e ka ba gore John Wesley o be a ka tseba bjang molaetša wa Luther? A e ka ba gore Wesley o be a ka tseba bjang molaetša wa Pentecostal? Goba Mapentecostal a ka tseba bjang Molaetša wo? Le a bona? O O utolla ka dihla tša Gagwe, gobane Ke Peu. Gomme ge E gola le go butšwa, O ikutolla Boyena.

<sup>40</sup> Go swana le phišo ya letšatši, go bulega. Ge e le ye bolete gomme ye nnyane, e tliše go tšwa mobung, peu; gomme e fe matlakala a yona, ka leemo le lengwe la letšatši. Letšatši la go fiša le ka e bolaya ge e le peu ya go butšwa. . . goba nako ya go butšwa. Ka fao, O laola letšatši le go laola tlhago, go kopana le Lentšu la Gagwe.

O laola Kereke, ye e kgethetšwego pele, Monyalwa, gore ba kopane le sehla se ba phelang go sona.

<sup>41</sup> Le tlhago ka boyona e a re botša lehono, ge re bona ditšhaba di šwalalana, lefase le nwelela, mongwalo wa seatla o lebotong. Re bona kereke le maemo a e lego ka go wona ka moka.

Re bona Monyalwa le seemo se A leng go sona. Gomme re a tseba, ka tlhago, gore Kereke e lokela go sepela. A nako ya letago! Ke nako ye bapropofeta ka moka ba dumilego go e bona, iri ye.

<sup>42</sup> Bjale, O utolla Lentšu la Gagwe feela ka sehla sa Lona. Martin Luther o badile Beibele ye e swanago re dirilego. Wesley o badile Beibele ye e swanago Martin Luther a dirilego. Mapentecostal a bala Beibele ye re e balang. Jesu o badile Beibele ye e swanago ye le Bafarisei ba e badilego, eupša ba bile. . . Ba leka go bea lehea seemong sa buswa, ge le be le butšwa, ba palelwa ke go bona iri ya bona.

Bjale Dafida o dirile se se swanago mo.

<sup>43</sup> Modimo o utolla Lentšu le ka sehla, gomme go yo A kgethago go Le utolla go yena. Modimo o kgetha yo a Le utollago go Yena. O kgethile seo pele ga go thewa ga lefase. Tša mediro ya Gagwe ka moka di tsebilwe pele ke Yena, di utilwe go motho. O di utolla ge A rata. Ke sehla se A se kgethilego, motho yo a kgethilwego ke Yena. Gomme Yena ga se nke a kgetha mokgatlo goba baarogi; ke motho yo a kgethilwego, ka tsela ye A a dirang.

<sup>44</sup> Ke mang yo a ka lehang go Mo phošolla, gomme a re, “Bjale, Morena, O dirile phošo ka go bea *yo monna* ka bodireding. *Monna yo* ga a dumele bjalo ka ge re dumela?” Ke mang yo a tla botšang Modimo gore O phošo go yona? E tla tšea yo mongwe yo a neng le mokgwa wa go seleka go feta nna, go Mmotša seo. O tseba se A se dirago. O tseba yoo a kago go mo kgetha le yo a ka se mo kgetheng, seo a ka se dirago le gore

o se dira neng. Go sa kgathalege gore re nagana gore motho yo mongwe o na le maswanedi go dira mošomo wo o itšego, Modimo o tseba gore ke mang a swanelago ka nako yeo le sehla, goba le nako le nako ya maleba go se dira.

<sup>45</sup> Gomme wa kgonthe, Mokriste wa nnete; wa kgonthe, modumedi wa therešo go Modimo, o letela go Morena bakeng sa dilo tše. Letela bodireding bja gago. Ge o ekwa pitšo, e ba le bonnete gore ke Modimo. E ba le bonnete gore ke nnete. E ba le bonnete bja gore ke nakong ya seo o se bolelang. Beibele e rile, “Bao ba letelang go Morena ba tla tsošološa maatla a bona. Ba tla phegelela go ya godimo bjalo ka mafego a bjalo a ntšhu. Ba tla tšhabeša gomme ba ka se lape. Ge ba sepela, ba ka se felelwe ke maatla.”

<sup>46</sup> Elang hloko Dafida, kgoši ya Israele, a tloditšwe. Samuele o tšhetše makhura godimo ga gagwe, gomme o be a kgethilwe ke Modimo, go ba kgoši ya Israele. Gomme Dafida o hweditše kutollo ye, go tliša areka ya Morena godimo motsemogolo wa Dafida. Bjale, ga go selo sa phošo, eupša, o a bona, Dafida o ile go yona ka go phošagala.

<sup>47</sup> Bjale, go lebelelega gore ge monna wa go swana le yo a ka hwetša kutollo, monna yo mogolo wa go swana le kgoši ye e kgethilweng ke Modimo, kgoši ye kgolokgolokgolo e kilego ya phela lefaseng, ka ntle ga Kriste, ke a thanka, e bile Dafida, gobane Kriste ke Morwa wa Dafida. Bjale, monna yo mogologologolo, a sa tšwa go tlotšwa, a etšwa Bogoneng bja Modimo, a e na le kutollo go direla Modimo se sengwe, gomme a nyaka go se direla Modimo; eupša kutollo e be e phošetšše. Bjale, seo ke se segolo selo. Se tla šomana le thuto ya rena: *Go Leka Go Direla Modimo Tirelo Ntle Le Go Bitša Go E Dira*.

<sup>48</sup> Elang hloko, Dafida o hweditše kutollo. Gomme elang hloko, e be e se moporofeta, Nathanaele, yo a hweditšeng kutollo. E be e le Dafida, kgoši, yo a hweditšeng kutollo. Ntle ga fao Nathanaele ga se nke a rerišwa ka yona. Ga se nke a botšiša Nathanaele. Eupša o e bone mo, ka go ya Pele Dikoronika, o rerišane le balaodi ba ba dikete, le balaodi ba ba makgolo? Ga se nke a reriša Nathanaele. O rerišane le batho, gomme a rerišana le baprista le baithutamodimo ba letšatši leo, ba mangwalo le baithutamodimo. Dafida o rerišane pele, a re, “Ge e, se, e le sa Modimo, a re yeng tlase gomme re buše areka ya kgwerano ya Modimo wa rena, godimo ka toropongkgolo, gomme a re rerišane le Modimo pele re dira dilo.”

<sup>49</sup> Eupša a re, matšatšing a Saulo, “Ba ile ba tlogela go rerišana le Modimo, ka—ka—ka areka, yona Urim, Urim Thummim. Ba ile ba tlogela go dira seo.”

Dafida o rile, “Bjale a re boweleng morago go Modimo, ka moka ga rena! A re boweleng go sa maleba. A re yeng tlase gomme re hwetše areka gomme re e tliše mo, re tliše Bogona

bja Modimo,” ka mantšu a mangwe, “ka toropongkgolo. A re swareng tsošeletšo. A re bušeng batho morago.” Eupša o hweditše kutollo, ye e beng e bonala e lokile, eupša e be e se thato ya Modimo.

<sup>50</sup> Sebakeng sa go botšiša mothopo wo a beng a swanetše go o botšiša, o rerišane le balaodi, ka gobane o be a sa tšwa go ba kgoši. Gomme o ile a latela tsela yeo ya go nagana, gore, balaodi bagolo ba gagwe le banna ba bagolo ba gagwe.

<sup>51</sup> Gomme o ile ka kerekeng ya mehlang gomme a botšiša ge eba ba ka ba le tsošeletšo. Baprista, ba mangwalo, balaodi ba dikete, balaodi ba ba makgolo, gomme a rerišana le bona. “A ye e be e le thato ya Morena?” Gomme ba re e be e le yona. Eupša, o a bona, o paletšwe ke go botšiša mothopo wo ka mehla Modimo a šomago ka wona. Le a bona, o paletšwe ke go e hwetša.

<sup>52</sup> Bjale maikemišetšo a gagwe a be a lokile. Tšhušumetšo e be e lokile. Maikemišetšo a be a lokile, gomme le go tliša tsošeletšo ka toropongkgolo, go bušetša batho go Modimo. Eupša ga se a e rera ka tsela ye Modimo a mmoditšeng gore a e dire. Le a bona?

<sup>53</sup> Le batho ka moka ba dumetše, gomme le baprista, gomme gore kgoši o be a rereša, “Ba be ba nyaka areka e bowetše morago ka toropongkgolo. Bjale, ba be ba nyaka Bogona bja Modimo. Ba be ba nyaka tsošeletšo.” Eupša Modimo o be a se a tshephiša go utolla Lentšu la Gagwe, ka sehlang sa Lona, ka go batho. Ga se nke a tshephiša go Le utolla go kgoši, ka sehlang. Modimo ga a fetoge, le gannyane. Ga se nke a tshephiša go dira seo.

<sup>54</sup> Go sa kgathale gore o hlokofetše, le tšhušumetšo ye botse, le maikemišetšo a botse, le gore batho ba di nyaka bjang dilo tšeo le go bona tlhokego ya yona, go na le thato ya Modimo ye e swanetšego go tšwetšwa pele ka go dilo tše. Seo ke se ke nyakang go kokotela tlase go tia, gobane ke nyaka go dira se gore le kgone go se bona ge—ge Moya wa Modimo a dula ka go lena. Ke lebaka leo ke tšea nako e telele mo. Ke sa tšee nako ya lena batho bao le leng mogaleng, gomme le le kgokaganong, eupša ke—ke nyaka gore le e bone. Ge le felelwa ke nako, gona hwetšang theipi. Gore fao . . .

<sup>55</sup> Go sa kgathalege gore e nyakega gakakang, ke ga kae yo mongwe le yo mongwe a dumela gore e a nyakega, ke ga kae gore ye yeo ke Therešo, go sa na le ye nngwe e tee re swanetše go e hwetša. A yeo ke thato ya Modimo?

Bjale, Modimo ga se a ke a tshephiša gore O tla utolla diphiri tša Gagwe go dikgoši tša Gagwe, O tla utolla diphiri tša Gagwe go batho ba Gagwe.

<sup>56</sup> Se sengwe go swana le nakong ya Mika, morwa wa Jimila. Ge re tloga, e seng hlogotaba, eupša nako ye nngwe, go tliša se ka gare gomme go se dira sa therešo go wena, ya nnete go wena, ka fao o ka se se foše.

57 Go be gole, ka matšatšing a Mika...E be e le monna wa mohloki, gomme o be a etšwa lapeng la bohloki. Eupša, Ahaba, kgoši ya Israele, bjalo ka setšhaba se se leng ka tlase ga Modimo, o be a hlomile sekolo gomme a tlišitše ba ba kgethlwego, baporofeta ba go topiwa ka letsogo, gomme a na le makgolonne a bona ka sekolong. Gomme e be e le banna ba bagolo. Ba be ba sa no ba baporofeta ba maaka. Ba be ba le baporofeta ba Baheberu, banna ba kgonthe. Gomme ba ile ba reriša Morena ka banna ba. Gomme ba ile ba porofeta. Eupša, o a bona, ge nako ya makgaolakgang e tlile, ba ile o tee ka o tee ba tšwa Lentšung la Modimo le thato. [Lefelo le le se nago selo—Mor.]

58 Ka gore Josafate o tlile go tšwa Jerusalema go kopana le—le kgoši Ahaba, gomme ba apara diaparo tša bona, gomme ba dula ka—ka dikgorong, gomme ba tliša baporofeta pele ga bona. Pele, Ahaba o rile, “Re na le lefelo fale ka nageng ya Ramothe-gileada ye bonnete e leng ya rena.” Bjale, seo ke O RIALO MORENA. Joshua o e abagantše go ba ya batho gomme a e fa bona, eupša Bafilisita ba e thophile.

Gomme a re, “Bana ba rena mo ba nyaka borotho, gomme ga re na le naga ye e lekanego go ba le borotho go yona. Gomme manaba a rena, Bafilisita, ba fepa bana ba bona, bahetene, go tšwa gona nageng ye Jehofa Modimo a re filego yona.” Seo se thwi. Gomme a re, “Mo, re, batho ba Modimo, re dutše mo le bana ba rena, ba a nyaka, gomme manaba a rena a fepa bana ba bona go tšwa nageng ye Modimo a re beditšeng go tšwa ka Egepeta gomme a re fa yona.” Yeo e tla emiša moithutamodimo, a e ka se dire? O rile, “A re swanetše go ya godimo gomme re tšee naga ya rena ye Modimo a re neetšego yona?”

59 Josafate a re, “Eye, ke tla le thuša. Re banešu. Le ka Juda, gomme ke ka—ke ka Jerusalema.” Goba—goba, e ka tsela ya go fapana? Ke a dumela...Aowa, seo ke therešo. Ke nagana e...Josafate.

Go le bjalo, Josafate e be e le monna wa go loka, kgoši, monna wa go tlala ka toko a rata Morena. Ahaba e be le yo bololo modumedi. Ka fao ba ba tliša tlase, gomme Josafate a re, “Theetšang, a re botšiše Morena, pele. Re swanetše go hwetša ka ga se.” Le a bona, ge Dafida nkabe a ile a dira se Josafate a se dirilego! O rile, “A ga se ra swanela go dira se?”

Gomme ka potlako, e le Moisraele, Ahaba a re, “Ka nnete. Ke na le Baheberu ba makgolo nne, bjalo ka ge re le, baporofeta ba Baheberu mokgatlong wa rena. Gomme ke tla rerišana le bona. Ke baporofeta.” Bjale, o a bona, feela...

60 O re, “Yeo e thulana le nna, Ngwanešu Branham. Moporofeta?” Oo, ya. Go be go na le o tee ka nako ya Jeremia, yo a ileng ba tla ba tlase fale mengwaga ye mebedi. Morena o

boditše Jeremia, “masomešupa.” Rwala joko go dikologa molala wa gagwe, gomme moporofeta a e roba, Hananya. Eupša o tseba se se diregilego go yena. Oo, ya. O swanetše go dula le Lentšu.

Gomme baporofeta ba ba tlile godimo gomme ba porofeta, gomme ba re, “Tšwelang pele! Morena o na le lena.”

<sup>61</sup> Gomme yo motee wa bona, ke a dumela (ke lebetše leina la gagwe) kgoši, Tsedekia, ke a dumela, a re, o beile manaka a mabedi a tshipi gomme a re, “GO RIALO MORENA. Ka se,” bjale monna yo a be a hlokofetše, “le tla kgoromeletša manaba a lena thwi morago ka nageng tša bona, gomme la tšea se e leng sa Modimo. E filwe go lena.” Ga ke dumele gore e be e le moikaketši. Ke dumela gore e be e le monna wa go loka. Ke dumela gore ka moka baporofeta e be e le bona.

<sup>62</sup> Le re, “Baporofeta?” Eye! Gopolang, monna yena yo a go amogela tumellano ya go bolaya Jesu Kriste, o porofitile, gobane e be le ofisi ya gagwe. E be e le moprista yo mogolo ka ngwana woo. Gomme ge a le se o be a na le ofisi, gomme a swere ofisi yeo, Moya wa Modimo wa tla go yena. Seo ga se re gore o be a phološitšwe goba se sengwe ka sona. Gomme o porofitile, Kayafa, ka baka le e be e le ofisi ya gagwe e dirang seo.

<sup>63</sup> Gomme baporofeta ba, e le baporofeta, ka ofisi ya boporofeta, ba porofitile. Gomme Moya wa Modimo o tlile godimo go bona, banna ba dimpho tša Moya.

<sup>64</sup> Ke lemoga gore ke bolela le diperesente tše masomesenyanesenyane tša Mapentecostal. Eupša banna makga a mantši, monna, Modimo o kgona go šoma le bona, a ba fa mpho, gomme batho ba tla pitlagana mo go batho ba. Ge e le gore ga se ba bitšwa ka phethagalo le go romiwa ke Modimo, o tla dira monna goba mosadi go bolela se sengwe se e seng thato ya Gagwe, gobane batho ba ba gapeletša go e dira.

<sup>65</sup> Ka fao ke ileng ka swara modiša wa rena yo monnyane mo go yona. Ka ntle kua dithokgweng mosong wo mongwe, e ka ba ka iri ya boraro mosong, a re, “Eya go botša Ngwanešu Neville!” Ke tlile go wena, a ga se ka, Ngwanešu Neville?

<sup>66</sup> Yo mongwe le yo mongwe, “Ngwanešu Neville, o seporofeto go nna. Mpotše se goba sela.” Le a bona? Le na le yena a bolela dilo tšeo di ka se tlego tša direga.

“Bao ba letago,” go hwetša seo Morena a nyakago go se dira. Le a bona?

<sup>67</sup> Ka fao banna ba ba ile ba lebelela go yona ka kwešišong ya tlhago, “Ke ya rena.” Eupša, o a bona, ga se nke ba hwetša Lentšu le thato ya Modimo.

<sup>68</sup> Ka gona Mika a tla tlase, gomme o bile le pono. O e hlahlofile, pele, o ela hloko. A re, “Ema. Mphe bošego bja lehono. E re ke nyakišiše, gomme bosasa mohlomongwe nka

kgona go araba.” O be nnete a se a potlaka, “GO RIALO MORENA,” bjalo ka, go dumellana le baporofeta ba bangwe. O rile, “Ke tla bolela feela se Modimo a se bolelago.”

Gomme letšatši la go latela, re hwetša gore, Modimo o mmoditše se se tla diregang. Gomme e be e le tlwa go fapana le ba bangwe. Sekolo ka moka, e be e fapane. Gomme yo mongwe wa bona a emella gomme a mo opa sefahlego, ka yona. Eupša, le a bona, o ile a leta. Gomme ge a dirile seo, o ile a bapetša seporofeto sa gagwe, pono ya gagwe, le Lentšu le le ngwadilwego, gomme e be e le tlwa le Lentšu.

<sup>69</sup> Ge yo mongwe a re ba “ba na le kutollo ya go kolobetša batho ka Leina la “Tate, Morwa, Moya wo Mokgethwa,” seo se fapane le Lentšu. Ga go o tee wa bona a kilego a dira. Ge ba re, seo, “Oo, re ya go ema, gomme *se, sela*, gomme le se *sengwe*,” gomme le go ya pele, seo se fapana le Lentšu. Ge ba re bona “ga ba dumele peu ya serpente,” seo se fapane le Lentšu. Dilo tše dingwe tše ka moka, seo se fapane le Lentšu. E swanetše go ba le Lentšu gomme ka sehleleng.

<sup>70</sup> Bjale, ge Dafida a ka be a dirile seo. Areka e be e etla, eupša e seng ka nako yeo; go be go se lefelo la yona.

<sup>71</sup> Elang hloko bjale ge ba eya tlase go hwetša areka, bahlomphegi ka moka ba rile, “Seo ke selo se swanetšego go dirwa, Dafida. Letago go Modimo! Re nyaka tsošetšo.” Yeo e be e le Pentecost ya nnete, lehono; Baptist, Presbyterian. “Dafida, o kgoši ya rena! Lena ka moka...Molaodi *Semang-mang*, gomme Majoro *Semang-mang*, gomme Generale *Semang-mang*, ba tla ba ka kopanong ya lena. Ka baka la eng, ba re seo ke selo se ba swanetšeng go se dira, Dafida. O na le naga ka moka le wena.”

Yeo ke se e leng bothata lehono. Ga ke nyake naga. Ke nyaka Modimo, ge eba ga go yo mongwe gape a emego.

<sup>72</sup> Dafida o be a na le balaodi ka moka. O be a na le tirišano le sešole. O be a na le tirišano le bontši bja dikereke tša maina, le ka moka baithutamodimo, le ka moka, yo mongwe le yo mongwe a dumellana le yena. Le Ahaba go diregile, gomme le ba bangwe ka Lengwalong; eupša o be a se na le Modimo, ka gobane o be a le ka ntle ga thato ya Modimo. Ke a holofela re hwetša se.

<sup>73</sup> Elang hloko, ba dirile se sengwe le se sengwe se bodumedi bo ka se dirang. Mohlomongwe ba beile dikwalakwatšo le tše dingwe, “Tsošetšo e kgolo! Areka e tla bušetšwa morago. Re ya go ba le tsošetšo. Re ya go dira se.”

<sup>74</sup> Elang hloko, o rometše baopedi. O rometše batho ka diharepa, le diphalafala, gomme ba dirile se sengwe le se sengwe sa bodumedi ba tsebago gore se dirwa bjang; gomme go le bjalo Modimo o be a se ka go sona.



Go ka ba bjang o bona e ipušetša gape, a ga re?

<sup>75</sup> Ba tšere baopedi ka moka. Ba tšere babapadi ba harepa, ba tšere baletši ba phalafala; basadi, banna, le mang kapa mang yo a beng a opelago. Ba ba tšere ka moka go ya tlase, gomme ba ile ba kgabola ye nngwe le ye nngwe tshepedišo ya bodumedi.

Ga ke nyake go bolela se, eupša ke swanetše go se bolela. Ka fao go bjalo le go dikereke tše lehono, Pentecostal le ka moka, e ya go kgabola ye nngwe le ye nngwe tshepedišo ya bodumedi, ya go opela le go goeletša.

<sup>76</sup> Elang hloko, Dafida o goeleditše ka maatla a gagwe ka moka, gomme a golola, gomme a taboga, gomme o ile go ye nngwe le ye nngwe tshepetšo ya bodumedi ye e kabang gona; gomme go le bjalo Modimo o be a se ka go yona. Tšhušumetšo ya gagwe, le maikemišetšo a gagwe, le se sengwe le se sengwe se bego se lokilego; eupša o ile ka tsela ya go phošagala le lona. Le a bona? O dirile dilo ka moka tša tshepedišo ya maborapedi; a goeleditše, o opetše, o bile le baopedi ba go ikgetha, ke bagoeletši ba go ikgetha, se sengwe le se sengwe. Ba ile ba bina ba le moyeng. Ba dirile se sengwe le se sengwe e leng sa borapedi.

<sup>77</sup> E swana le ye nngwe ya ditšošetšo tše kgolo tša nako ya rena. Ba nyaka go thopela lefase go Kriste. Ga go selo sa mohuta woo. Tšošetšo tše kgolo tša phenyo ka mahlatse, dilo tše kgolo di a direga; ge ba ka kgona go lemoga, letšatši leo le fetile. Ga go sa na kholofelo. Eupša ba a aga, ditšošetšo, mekgatlo, le se sengwe le se sengwe. Eupša, dipoelo di bjalo nke ke tša nako ya Dafida, ga se ya šoma.

<sup>78</sup> Re a ya gomme ra ba le tšošetšo. Ye kgolo ya rena, ba bangwe ba baebangedi ba bagolo ba rena lehono, ba re ba na le dikete tše masometharo tša basokologi, ka nako dibeke tše tshela; gomme ngwaga go tloga moo, ge ba boela morago, ga ba hwetše masometharo. Go na le se sengwe se phošetšego. Naa ke eng, ke selo se se swanang le se Dafida a se dirileng. Bahlomphegi ba bagolo, banna ba bagolo, bareri ba bagolo, dikolo tše kgolo, maatlataolo a magolo, eupša go le bjalo ba a rerišana le kereke ya gale ya leina lebakeng la gore ba lebele sefahlego sa Lentšu la Modimo gomme ba bone ge sehla se le gona. O ka se tšweletše dijo tše di itšego eupša feela ka nako ye e itšego ya ngwaga.

<sup>79</sup> Bjale a re bone se se diregilego. Go le bjalo a bona... Maikutlo a bona a bodumedi le selo e be e le se segolo, maikemišetšo a bona e be e le a magolo, tšošetšo ya bona e be e le ye kgolo, moopelo wa bona e be e le wo mogolo, mmimo wa bona e be e le wo mogolo, go goeletša ga bona e be e le mo gogolo, mmimo wa bona e be e le wo mogolo, gomme ba be ba na le areka. Sa go loka ka areka ke eng ge e se na le Modimo? E no ba lepokisi la dikota, ditafola tše mmalwa tša leswika.

Seo se swana le go tšea selalelo, go kolobetšwa. Ke eng se sebotse e se dirang ge o kolobeditšwe o se wa itshola pele? Ke

eng se sebotse e se dirang, tšea selalelo, o be moikaketši, ge o sa phele bophelo gomme wa dumela Lentšu la Modimo ka moka? Tšea karolo go Lona, e sego Lona ka moka, e laetša gore go na le se sengwe sa phošo.

<sup>80</sup> Bjale, ge tše ka moka di direga, a re boneng bjale se se diregago ge Modimo, le lebaka la Gagwe le nako ya Gagwe, ga a lebellwe; ke kgopolo ya batho feela.

<sup>81</sup> Batho ba bantši ba rile go nna, “O reng o sa tle mo gomme wa swara kopano? Go lokile, re a go bitša. Saena *le, lela, goba le lengwe.*”

Ema! O ka no ba o e nyaka, eupša naa Modimo o reng ka yona? Batho ba bantši ba ile ba re go nna. . . Ke bile le taletšo, ke ile ka ba le poledišanotsenello, poledišanotsenello tša sebele le dilo, ka letela ngwaga. Ka leta! Naa ke tla tseba bjang se ke swanetšego go se bolela go fihla Modimo a mpošga gore ke reng? Le a bona, ke swanetše go leta! Le ke lebaka leo ke rilego, “Ngwala seo ntle. A ke bone seo A se boletšego.” Le a bona? Leta! “Bao ba letang go Morena ba tla tsošološa maatla a bona.” Seo ke therešo?

<sup>82</sup> Elang hloko, ba ile ba botšiša feela baprista ba letšatši leo, baithutamodimo, le dikereke. Gomme elang hloko, ka go dira seo, ka go botšiša baprista le go botšiša phuthego, go botšiša batho, ba ile ba e phoša.

<sup>83</sup> Elang hloko, areka e be e le Lentšu. Re a tseba seo ke nnete. Ka gobane, areka ke Kriste, gomme Kriste ke Lentšu. Le a bona? Areka, goba Lentšu, le be le se la bewa ka go la lona la pele, le le beilwego, leemo le le beilwego la setlogo. Oo, o se palelwe go hwetša ye, kereke!

Se sengwe le se sengwe se be se phethagetše, gomme se sengwe le se sengwe se lebelelega gabotse, go swana le tsošetšo ye kgolo ye e bego e etla; eupša ka lebaka la gore ba paletšwe ke go rerišana le motho wa maleba ka yona! Ba rerišane le baprista, ba rerišane le bahlomphegi, ba rerišane le baithutamodimo, ba rerišane le baopedi, gomme ba hwetša se sengwe le se sengwe ba le ba kwano, le mokgatlo wo mogolo wa sešole, gomme gape le—le—le maatla a setšhaba. Se sengwe le se sengwe se be se le kwanong ya kopano ye kgolo, eupša ba paletšwe ke go rerišana le Modimo. Go bjalo le Ahaba, go bjalo le ba bangwe. A sebaka!

<sup>84</sup> Bjale se lahlegelwe ke se. Ba paletšwe ke go e hwetša, ka baka la gore ga se ba rerišane. Gomme ka go dira seo. . . Lebella. Ka go ya go baprista, ka go ya go baithutamodimo, gomme ka go ya go maatla a mašole, gomme ba se ke ba lemoga motseta yo a rometšwego ke Modimo wa iri, Nathane, ba e dirile ka phošo. Ba ile gomme ba rwala areka gomme ba e bea godimo ga koloi ye mpsha, ba e bea godimo ga koloi ye mpsha, goba, “kereke ye mpsha ya leina e ya go thoma,” gomme e seng godimo ga ye e filweng ke Modimo, tsela ye e

beilwego ya go e rwala. E be e swanetše go rwalwa magetleng a Balefi. Eupša, o a bona, ge o thoma ka phošo, o tla tšwela pele go dira phošo.

<sup>85</sup> Ge eba kolo e swanetše go lebantšhwa thwi le selebanywa, gomme wa kuka molomo wa sethunya sekete setee go tloga mo, go thoma ka seo, ka meelo ye lekgolo o be o le diintšhi tše nne goba tlhano go aroga. O thoma ka phošo.

<sup>86</sup> O Modimo, re thuše go tseba gore selo se se thomile ka phošo, ditsošeletšo tše kgolo tše tša iri, di bitšwa bjalo. Modimo ga a rerišwe ka yona. Baprista le banna ba bodumedi ke bona ba rerišwang. Mekgatlo e a rerišwa. “Go lokile, a o tla ba *le se se bjalo-le-se se bjalo?* Ke a dumela, ge re ka kgona go bea bohle mmogo!” O se hwetše yo mongwe le yo mongwe mmogo. E no hwetša Lentšu la Modimo ka yona.

<sup>87</sup> Ka gona re hwetša gore, ge ba dira yeo, na ba dira eng? Ba tšwelela pele go ya ka lenaneo la bodiredi bja bona bja kgale bja go swana, leo le tšweleng ka Lentšung la Modimo le thato ya Modimo. Selo seo se hwile, mengwaga go feta, dilo tša kgale tša go omišwa mengwaga ya kgale.

<sup>88</sup> Di omišitšwe ka matsatšing a Morena Jesu. Ga se bake ba e tseba. O rile, “Ge nkabe le tsebile Moshe, nkabe le Ntsebile, gobane Moshe o ile Ke etla.”

Ba rile, “Botate ba rena ba ja manna ka lešokeng.”

<sup>89</sup> O rile, “Ka moka ba hwile!” “Ba foufetše,” O biditye bona, Bafarisei, baetapele ba bodumedi. “Ntle ga ge le ka dumela gore Nna ke nna Yena, le tla hwa ka dibeng tša lena.” Eupša ga se bake ba e dira. Ba be ba beilwe ka ditseleng tša bona. Ba be ba swanetše go ba le yona ka tsela ya bona.

<sup>90</sup> Yeo ke tsela ye Dafida a dirilego. O bile le yona ka tsela ya gagwe, ka fao o nno re, “O tseba se ke tla se dirang? Re a sepela.” O bile le kutollo. “Re a sepela bjale, ka fao re tla dira ka tsela ye mpsha. Matsatši a mehlolo a fetile, ka fao re tla no itirela wo mongwe mokgatlo. Re tla aga koloi ye mpsha, e laetša selo se seswa se thomile.” A seporofeto sa maaka!

<sup>91</sup> O swanetše go boela morago ka tsela ye Modimo a rileng o dire. Ba e beile godimo ga magetla a Balefi, gomme seo e be e le godimo ga pelo. Areka, Lentšu, ga la swanela go bewa godimo ga kereke ya leina ye mpsha, godimo ga dikgopolo tša monna, eupša ka pelong. Lentšu la Modimo ga se la go swarwa ke dikereke tša maina; Le swanetše go swarwa ke pelo ya monna, fao Modimo a ka tlang gomme a e ikutolla Boyena. Gomme ge a e utolla go ya ka Lentšu, ke Modimo; ge e se, ga se yona.

Gomme, ka gona, Lentšu la sehla seo! Nnete, Mofarisei o tla re, “Ke mang a re boditšeng gore ga re kgone go dira *se* le go dira *sela?* Moshe o re file ditaelo tše.”

“Eupša Moshe gape o rile . . .”

Sathane o rile, “Go reng, go ngwadilwe, ‘O tla fa a Gagwe Mange- . . .’”

92 “Gomme gape go ngwadilwe,” Jesu o rile.

Ka sehla, ka nako! “Ge nkabe le ile la tseba Moshe! Le na le yo motee a le begago, Moshe. Ge nkabe le tsebile Moshe, nkabe le Ntsebile,” O rile, “gobane Moshe o ngwadile ka Nna. ‘Morena Modimo wa lena o tla tsoša Moporofeta magareng ga lena, go bana ba bolena; Yena le tla mo kwa.’” Ge nkabe ba tsebile Moshe, nkabe ba tsebile Yena.

93 Bjale kgauswi, theetša, o se lahlegelwe ke se bjale. Le a bona, sa mathomo, ge ba rerišana le baprista, ba rerišana le bahlomphegi, ba rerišana le mašole, ba rerišana le phuthego ka moka, le boagelane, gore ba tle mmogo ka kopano ye ye kgolo e tlang, ba paletšwe ke go e dira ka maleba. Ga se ba reriša Modimo. Gomme, ka go dira seo, go se boele morago le go lebella gore e be e le nako mang!

94 Oo, ngwanešu, theetša. Ke nako mang re phelang ka go yona? Ke lebaka lefe? Ke iri efe re leng ka go yona? Ga se nako ya dilo tše ba bolelago ka tšona. Yeo e fetile. Kahlolo e kgauswi bjale. O kgona go e bona e šwalalana. O gopola leswika godimo ga thaba? Iri ya kahlolo! O gopola kutollo, goba pono ya Monyalwa? Go no Mmea setepeng. O se mo tlogele A etšwa setepeng.

Elang hloko, “Godimo ga magetla a baprista!”

95 Gomme Dafida le baprista ka moka, bao ba beng ba swanetše go tseba bokaonekaone, eupša e be e le eng? Baprista ba be ba swanetše go tseba bokaonekaone. Ba mangwalo, baithutamodimo, ba be ba swanetše go tseba bokaonekaone, gobane Lentšu le rile seo ba se se dire.

96 Gomme lehono ge ba nyaka go bolela se, “Oo, Jesu Kriste ga se wa go swana maabane, lehono, le ka gosafelego. Seo ke go bala menagano. Seo ke *se*, *sela*, goba se *sengwe*.” Ba palelwa ke go bona Lentšu le le tshephišetšwego. “Oo, leo ebile letšatši le le fetilego.”

Dafida o rile, “Oh, go lokile, bjale ema motsotso. ‘Godimo ga magetla a—a baprista,’ fao e be e le morago ge Moshe a tšwele. Nnete, re, re tla e bea godimo ga koloi ye mpsha lehono. Ke na le kutollo ya yona.”

97 Baprista ba rile, “Amene, Dafida!” Le a bona, a huetšwa ke lekgotla la mohlakanelwa le leswa, gore ka moka ba be mmogo gomme ba dire se ka tsela ye gomme ka tsela *yela*, seo ke se se dirilego baprista gore ba thule. Ga se ba ke ba rerišana le motho wa maleba. Ga se ba e dira ka tsela ya maleba, ka fao ba ile ba ba bothateng. Ya.

98 Ke a boifa, ka dilo tše ntši lehono. . . Ge morutiši yo mogolo, yo motee wo mogolo wa Mapentecostal, a ema pele ga sehlopha

sa borapedi bošego bjo bongwe ka Chicago. Ke be ke swanetše go ba le kopano le Banna ba Kgwebo; eupša ke ile ka gopola gore ke tla be ke le Afrika ka nako yeo, eupša ke boile letšatši pele e thoma. Gomme ba ile ba kgetha rabohlale yo mogolo wa Mopentecostal, o ile a emella gomme a ba botša gore tshepetšo ye ya mohlakanelwa e be e le selo sa Modimo. Gomme a bolela gore ka moka di a bowa, le kereke ya Katoliki e ya go boela seemong sa yona sa setlogo, go bolela ka maleme ka moka go beng bohlatse, le go ya pele. Gomme a sa tsebe ge e le moreo wa diabololo!

<sup>99</sup> Gomme monna yo ke beng ke sa mo tsebe. . . Ka nako ye nngwe o bjala peu; ga o tsebe se se yago go direga. Eupša mopresidente wa Banna Ba Kgwebo Ba Full Gospel, ka pela ge seboledi se dutše fase, o rile, “Ga ke na maswanedi a go bolela se sengwe kgahlanong le diboleledi tša rena, eupša seo ga se ka tsela ye Ngwanešu Branham a rilego se tla direga. Eupša o ile seo se tla eta pele go ya go leswao la sebata.”

O rile, “Eupša Ngwanešu Branham ga a tsebe se a bolelago ka sona.”

A re, “Re a . . . dumela o a dira.” Le a bona?

<sup>100</sup> Gomme ka Chicago, o rile, “Ke ba bakae mo ba ba ka ratang gore ke tle godimo gomme ke fe karolo ya ka ya yona?” Ba thoma go goella le go goeletša.

Le a bona, o bjala dipeu; ga o tsebe se se yago go direga. Tšwela pele o bjala Peu. Ge iri yeo e fihla, ba bangwe ba bona ke. . .

<sup>101</sup> Bjalo ka Thomase, e bile yo mongwe wa ba mafelo go bona Morena. Eupša, o be a swanetše go Mmona, gore a Mo dumele. Le a bona, ge ba e bona e direga. Oo, Thomase tsena, eupša o be a latetšwe gannyane.

<sup>102</sup> Bjale ge ba bona dilo tše di ilego tša bolellwa pele, gomme ba re GO RIALO MORENA, e a direga, ka gona ba re, “Re feng ye nngwe ya Oli ya lena.” Le a bona?

<sup>103</sup> Eupša bjale elang hloko, khuetšo. Dinako tše dingwe banna ba bagolo ba ba mmogo. O ba kwa ba re, “Yo mogolo *Semang-mang*, le yo mogolo *Semang-mang*, ba bagolo ba rena. . .” O se ke wa tsoge wa dira seo.

Ga go na le ba bagolo magareng ga rena. Go na le yo Motee feela yo mogolo, gomme ke Modimo. Re banešu, dikgaetšedi. Ke sa kgathale gore o modiša wa kereke ye e nago le batho ba bahlano ka go yona, seo ga se go dire yo monnyane; seo se go dira ngwanešu, o a bona, ge o le therešo go Lentšu la Modimo. O se kgathale gore eng, bjang; ga o hwetše bonnyane. Modimo ga a na bana ba bannyane le bana ba bagolo. O na le bana feela. Ka moka ba a swana.

<sup>104</sup> Elang hloko, Modimo ka Boyena o tšwa mošate wa tlokwa ka makwala wa Letago, gore e be yo mongwe wa rena. Bjale ke mang

yo mogolo? O tšere. . . Ga a etla fase mo go tšea leemo la moprista, eupša mohlanka. A hlatswa lona letsopa le A le hlotšego, maoto a baapostola ba Gagwe le ba bangwe. Bjale ke mang yo mogolo?

<sup>105</sup> Eupša ba huetšegile, banna ba ba be ba le. Ga se ba ke ba kwešiša. Ba be ba gopola gore se sengwe se seswa se be se eya go direga, aowa, se sengwe se Modimo a sego a ke a re se be se eya go direga. Ba ile go yona ka tsela ye e phošetšego.

Kgahlego ye ka moka e ka seo, ge se. . . se thoma morago kua, nako ye telele ya feta, kereke ye nngwe le ye nngwe ya leina e be e swanetše e be le mofodiši yo Mokgethwa; kereke ye nngwe le ye nngwe ya leina e be e swanetše go ba le *se, sela*, goba se *sengwe*. Kereke ye nngwe le ye nngwe ya leina e be e swanetše go ba le Dafida yo monnyane. Ye nngwe le ye nngwe e swanetše go ba le *se, sela*, goba se *sengwe*. O a bona se se diregilego? E dirile selo se se swanago e se dirilego mo. Selo se se swanago. Khuetšo!

<sup>106</sup> Lentšu la sehla, nako ye ba beng ba phela ka go yona, ya se hlokomelwe.

<sup>107</sup> Elang hloko, “magetla a Balefi,” e be e le setlogo, tsela ye e filweng ya Modimo go dira dilo tše. “Bea areka yeo godimo ga magetla a Balefi.” Se sengwe le se sengwe ka ntle ga seo e be e thulana. Seo A se boletšego, seo ke se A bego a se ra. Modimo a ka se fetoge. Leo ke lebaka, ema le Lentšu la Gagwe! Ke na le Lengwalo, ya, tša Pele Dikoronika 15:15, ge o nyaka go e ngwala fase. Elang hloko.

<sup>108</sup> Bjale elang hloko, fao, ka go latela Modimo. Bjale ke nyaka gore o e beye ka monaganong wa gago. Go boloka melao ya Modimo, go direla Modimo eng kapa eng se se lokilego, go dira—go direla Modimo tirelo ka go nepagala, go na le tše tlhano tša kgapeletšo, go direla Modimo tirelo ka go nepagala.

<sup>109</sup> Bjale Dafida o be a direla Modimo tirelo. O be a dira se sengwe le se sengwe se a tsebago go se dira, ntle le go tlogela Modimo. Le a bona? O be a dira selo se sengwe se le gabotse, se sengwe se se lokilego go batho, se sengwe se lokilego go kereke.

<sup>110</sup> Eupša go na le tše tlhano tša kgapeletša. Ke nyaka le gopola se. Go sa kgathale gore monna a ka hlokofala bjang go direng, go direla Modimo tirelo, se, dilo tše tlhano tše di swanetše go ba fao.

Pele, e swanetše e be nako ya Gagwe go e dira.

<sup>111</sup> Go ka reng ge—ge Moshe a be a ka tla, a re, “Re tla aga areka gomme ra sesa ka Nile, bjalo ka ge Noage a dirile?” Nako ya Noage e be e swanetše areka, eupša e seng nako ya gagwe.

<sup>112</sup> Go ka reng ge Jesu a be a ka tla, a re, “Bjale Ke tla le botša se re ka se dirang. Re tla namela thaba, bjalo ka ge Moshe a dirile, gomme ra hwetša tsebatšo ye mpsha ya melao?” Le a bona? Huh-uh! O be a le molao woo. Le a bona?

113 O swanetše go ba nakong ya Gagwe. E swanetše go ba sehlang sa Gagwe. Na le hwetša seo bjale? E swanetše go ba nakong ya Gagwe. E swanetše go ba sehla sa Gagwe, nako le sehla.

114 Gomme e swanetše go ba ka tsela ya Lentšu la Gagwe le le boletšwego. E swanetše. Ga ke kgathale gore o e bolela gabotse bjang gore *ye* e swanetše go ba, goba *yela* e swanetše go ba, goba *ye* e swanetše go ba. E swanetše go ba ka tsela ya Lentšu la Gagwe; go ya ka nako ya Gagwe le sehla sa Gagwe.

Gomme e swanetše go fiwa ka tsela, go motho yo A mo kgethileng go e dira ka yena.

115 Ga ke kgathale gore bahlomphegi ke ba bakae. Go na le kgoši Dafida, bjalo ka ge e le yo mogolo bjalo ka yo mongwe le yo mongwe wa bona. E be e le kgoši go setšhaba. Eupša O be a na le tsela ya go e dira, gomme O ba boditše gore O tla e dira bjang. Eupša ba paletšwe ke go e dira.

116 E swanetše go ba ka tsela ya Lentšu la Gagwe; go ya ka nako ya Gagwe, go ya ka tshepedišo ya Gagwe.

117 Gomme e swanetše go ba ka motho yo A mo kgethile gore o tla mo fa le go e dira. Moshe o lekile go e tšhabela, “Tšea yo mongwe gape.” Eupša Modimo o kgethile Moshe go e dira. Ba bantši ba bona; Paulo o lekile go tšwa go yona; ba bantši ba bangwe. Eupša e swanetše go ba ka yo motee A mo kgethilego go e dira.

Gomme e swanetše go tla, pele, go baporofeta ba Gagwe. Lentšu la Modimo le swanetše go tla go baporofeta ba Gagwe. Amose 3:7, “Morena Modimo a ka se dire selo go fihla A Le utolla go mohlanka wa Gagwe moporofeta.” Nne.

118 Gomme moporofeta o swanetše go hlatselwa ke Lentšu la Modimo.

119 Go na le tše tlhano dikgapeletšo. E swanetše go ba ka tsela yeo. Nako ya Gagwe, sehla sa Gagwe, ge A ile e tla ba; gomme monna yo A mo kgethilego; gomme e swanetše go tla go moporofeta; gomme moporofeta o swanetše go ba moporofeta yo a hlatsetswego. Re hwetša gore, ba bantši ba bona ka Beibeleng, e tlile go baporofeta gomme ga se ya hlatselwa. Moporofeta wa rena ke Jesu Kriste.

120 Ka fao bjale elang hloko, le a bona, Modimo o be a se a di utolla selo go bona ka tsela ya Gagwe ya go se dira. Ba be ba amogetše tsela ya Dafida. Ba be ba amogetše tsela ya baprista. Ba be ba amogetše tsela ya ba mangwalo, ya baithutamodimo, eupša e seng tsela ya Modimo. Nathanaele, o be, e be e le moporofeta wa letšatši leo. Morago fao, Nathanaele o ba boditše gore e dirwa bjang. Eupša, le a bona, ba e dirile ntle ga go rerišana le Nathanaele. Ga go lentšu le le rego Nathanaele o ile a rerišwa. Khuetšo ka moka, selo se segolo se se tšwelang pele! Gomme, nna, ke a nagana ka kopelo yeo, “E re, bea . . .”



Nthuše, Morena, ge dipelo e le mollo,  
 A ke ikokobetše go boikgantšho bja ka (go ya  
 le bohle ba bona), go no bitša Leina la Gago;  
 Nthute gore ke se ithekge ka seo ba bangwe  
 ba se dirang,  
 Go letela karabo thapelong go tšwa go Wena.

Le a bona, yeo ke tsela ye e leng ka yona. A ke e bone e direga ka tsela ya maleba, ka gona e a dumelwa.

<sup>121</sup> Bjale, Modimo o utolotše dilo go bona ka Dafida, gomme le ka badiredi, gomme le ka batho, gomme le ka balaodi ba dikete, gomme le ka balaodi ba makgolo, eupša e seng Nathanaele yo a bilego le GO RIALO MORENA. Gomme Morena O rile a ka se dire selo go fihla A bontšha moporofeta yoo wa lebaka, pele, gore a dire eng. Le bona se ba se dirileng? Ba ile thwi go tšwa ka Lentšung la Modimo, ba ile gomme ba bea areka godimo ga koloi ye mpsha. Le a bona? Ka fao ba ile ka yona go e dira go arogana le molao wa Modimo le ka tsela ye e filwego ke Modimo.

Gomme seo ke se se diregilego lehono, bagwera. Ke ka lebaka leo re bilego le ditsošetšo tše kgolo tše ntši, gomme le go ya pele, gomme go se dipoelo. Go se tshephege mo gontši, sebe se sentši, tše ntši. . . Ke a go botša, setšhaba se se ile; e seng setšhaba se feela, eupša le ditšhaba tše dingwe. Setšhaba se, bjale ka England ya lebaka le lengwe, e bile seotswa sa ditšhaba ka moka.

<sup>122</sup> Tlase kua Mozambique, makgolonne le masomeseswai a dimaele go tšwa go tšhabologo, ka dithokgweng, mašumane a dingangele le badiragatši ba theetša Elvis Presley, ba kuka dihlogo tša bona gomme di ba kukela godimo le fase ka mokgwa wo, bošego ka moka, ba na le go dula. . . Goba, disete tše nnyane go swana le tšeo di tla goga dimaele tše sekete, go emella thwi ka Rhodesia [Zimbabwe—Mor.], go hwetša Elvis Presley. Gomme go le bjalo ba re, “O na le bodumedi kudu, yena le Pat Boone, gomme le bona.” Go reng, ke bo Judase ba iri, gomme ga ba e tsebe. Yeo ke karolo ye mpe, ba dumela gore ba—ba a rereša.

A Jesu ga se a bolela se go Lebaka La Kereke Ya Laodikia, “Wena ga wa apara, o a šokiša, o madimabe, ga o bone, gomme ga o e tsebe”? Ga o e tsebe!

<sup>123</sup> Go lokile, bana ba Mapentecostal tlase ka Afrika le go dikologa, ba re, “Go lokile, Elvis Presley, o opela ka bothakgathakgathakga o kilego wa bo kwa.” Go hloka pelaelo eupša se Dafida a se dirileng, le yena; go hloka pelaelo eupša se baopedi ba se dirilego, eupša e tlišitše lehu go otlala mešašeng. Le bona mo ba leng, fao re leng lehono, bagwera?

<sup>124</sup> “Magetla a Balefi,” e be e le tsela ya Modimo ya setlogo go e dira. Gomme ba ile ba e bea godimo ga koloi ye mpsha. Bjale, e ka se tsoge ya šoma. Ga se ba rerišana ka tsela ya maleba. Le a bona? Ka fao ba ile ba tšwa, ka yona, gomme ba ya ka yona ka tsela ya go phošagala.

<sup>125</sup> Gomme seo ke se se diregilego lehono. Ge banna, go sa kgathale gore o hlokofetše ga kae, ba leka go Mo direla tirelo ka ntle ga tsela ya Gagwe ye e filweng go e utolla, ka mehla ba e senya. Modimo o e beile ka tsela ya Gagwe. Banna, go sa kgathale gore ba hlokofetše ga kae, le leka go e dira ka ntle ga yeo, le—le tla e senya.

<sup>126</sup> Se sengwe go swana le seo Bileama a beng a le, ka letšatšing la Bileama. Modimo o boditše Bileama, moporofeta yola. O be a le moporofeta, moporofeta Bileama. O be a le moporofeta, gomme Lentšu le tlile go yena tlwa, la re, “O se ye tlase fale. Bao ke bakgethiwa ba Ka. Bao ke kgetho ya Ka.”

Gomme Bileama o hweditše bahlomphegi, banna ba sešole, bareri, banna ba huetšegilego, gomme ba re, “Go lokile, ke tla—ke tla le botša, kgoši o tla . . .”

Le a bona, tatelano le Dafida, tatelano le lehono. Tšea ye nngwe le ye nngwe bjalo ka sekai, gomme o tla e bona. Le a e bona? E re, “Amene.” [Phuthego e re, “Amene.”—Mor.] Le a bona, le a bona, go no swana le ka fao e lego bjale.

<sup>127</sup> Eupša baruti ba rile, ba—ba—baprista ba rile, ba mangwalo ba rile, baithutamodimo ba rile, “Ye ke tsela ye e swanetšego go dirwa.” Eupša, e be e se, gomme e hlatsetše gore e be e se.

<sup>128</sup> Gomme Modimo o boditše Bileama, gomme o be a le moporofeta, pele, O mmoditše, “O se ye tlase.”

<sup>129</sup> Eupša khuetšo ya banna ba ba bangwe e mo dirile gore a e dire kgahlanong le seo Modimo a reng a se dire, gomme e ba thogako legatong la tsošeletšo. Oo, nnete, o ile tlase kua gomme a ruta batho, a re, “Bjale ema! O tseba eng?” A re, “Re ba—re ba Moaba. Le a gopola, morwedi wa Lota ke mohumagadi wa rena. Ke tlhologo ya rena. Re madi a tee ka moka. Re ka moka. . . Ka dikereke tša rena tša leina di a swana.” O se hlakane le seo. Emela kgole le fao. Le a bona? Ka fao o rile, “Re a swana ka moka. Go reng, batho ba gago ba swana le batho ba ka. Re ka kgona go nyalana, yo motee magareng ga rena, gore re kgone go ba le lekgotla la mohlakanelwa la go nnete. Le a bona? Rena ka moka re ka tla mmogo le go tla morago go sa setlogo gape.”

Modimo o rogile selo. Sebe seo ga se sa ke sa lebalelwa Israele. Se bile le bona matšatši a bona ka moka. Ga se sa ke sa lebalelwa. Ba ile ba senyega ka lešokeng le sona. Seo ke therešo. Ka gobane ga se ba ke ba tšea tsela ye Modimo a e beilego ka tsela ya Gagwe ye e hlatsetšwego ya go e dira.

<sup>130</sup> Elang hloko, selo se ba go se dira se dirile Israele gore e hwe lehu, ka lešokeng. Gomme Jesu a re, “Ba ile ka moka ba senyega ka lešokeng le go sepela.” Lebelela gore ke mang a ilego a ema le Moshe morago fao, Joshua le Kalebe, ka go—ka go lenaneo.

<sup>131</sup> Elang hloko gape, Dafida šo mo, se a se dirileng. Gomme ge a dirile, na se dirile eng? Se dirile gore lehu le tšee motho wa go hlokofala.

Bjale, ke a thanka re sa kgokagane, gomme ke nyaka gore lena go kgabola dinaga le kwe.

Selo se se Dafida a se dirileng, ntle ga go rerišana le Nathanaele le go hwetša Lentšu la Morena ka sona, se dirile lehu gore le tšee batho ba go hlokofala. Eye, mohlomphegi. O beile seatla sa gagwe go ya pele, yeo e beng e phela ka bogoneng bja areka; e tšwele ka—ka ntlong ya gagwe. Gomme poo ya thelela, gomme areka e be e ewa.

<sup>132</sup> Ba be ba šetše ba dirile selo se setee ka phošo, dilo tše pedi ka phošo. Pele, ga se ba rerišana le Nathanaele. Sa go latela ba se dirileng, ba ile fao ntle le go rerišana le Lentšu la Modimo. Yeo, se . . . Samuele o be a le Lentšu letšatšing leo . . . Gomme ga se a ke a hlola Lentšu la Morena. Ka gona, ge ba dirile, ba ile kgahlanong le Lentšu la Modimo.

Gomme fa monna yo wa go loka, yo e beng e le mohlokamedi, o be a le pišopo, ke nagana, “Go lokile, mo, ga ke nyake Modimo a nyatšege,” ka fao a bea seatla sa gagwe godimo ga areka. Kae, e be e se Molefi, gomme a hwa. Dilo tše tharo!

<sup>133</sup> Bjale nagana botse kudu, gomme o lebelele se dikereke tša maina di se dirilego lehono. Le a bona, ba ile ba E gana, ba E bitša “thuto ya bofora.” Le a bona? Lebelela fao ba leng gona. Ba na le lekgotla la bona la mohlakanelwa, tšohle gabotse. Ba E bitša “go bala menagano,” ge Modimo ka Boyena a le hlatsela Lona go ba Therešo, gomme Lona o le hlatsetše go ba Therešo. “Oo, e no ba sehlophana se sennyane sa ditlala godimo fale,” ba rialo, “ga ba tsebe se ba bolelang ka sona.”

Seo ke therešo, ga re dire. Eupša re no bolela Mantšu a Gagwe, gomme O tseba se A bolelago ka sona, le a bona. Ga ke kgone go Le hlalosa, ga go le yo mongwe a ka kgonago, eupša O—O—O a Le hlatsela.

<sup>134</sup> Bjale elang hloko. Modumedi yo a hlokofetšego ka bantši lehono, yo a tlang go Kriste, o nyaka go tla ka pelo ya gagwe ka moka, o bolailwe semoyeng ka tsela e swanang. Banna ba bantši ba go hlokofala ba ya go kereke ya Katoliki gomme ba nyaka go ba Bakriste, ba ya go Mamethodist, Mabaptist, ba kereke ya Kriste, gomme le Mapentecostal, le a bona, gomme ba nyaka go ba Mokriste, o bea seatla sa gagwe godimo ga yona, a kgohlagana le tšona.

<sup>135</sup> Gomme ge Dafida a bona se se direga, se ile sa mo tsoša. Se tsoge ka morago ga nako fao, ngwanešu. O bone gore lehu le otlile.

Ntaetše dipoelo. Ka baka la eng ye e bitšwang tsošetšo, e boetša batho ka dikerekeng, e dirile setšhaba, go mme—go mmele

wa badumedi? Ga se selo eupša go dira mekgatlo ye meswa le dikereke tša maina, tsela ka moka go ya, maloko a mantši le go ya pele. Na setšhaba se kaonekaone? Ba rile ba be ba eya go . . .

<sup>136</sup> “Amerika. Modimo šegofatša Amerika. Ke—ke setšhaba, ke naga ya Bokriste.”

E dimaele tše dimilione go tloga go ba naga ya Bokriste. Ebile ga ke e rapelele. Na nka e rapella bjang, gomme e ka se sokologe ka tlase ga maatla a Modimo a bonagatšwang pele ga yona; gomme ba a gana, gomme ba tswalela mojako go Wona, gomme ba sepela ba tloga? Ke e bea go Modimo. Gomme o tšwela pele go ya kgole. Gomme ga bjale o ya go nwelela. E no lebelela gore go direga eng.

<sup>137</sup> Batho ba bantši ba go hlokofala ba tšoena mokgatlo, goba hlopha, goba dilo tše dingwe tša go se tlwaelege tša mehuta, gomme fao ba a hwa, semoyeng. O ka se ba botše selo. Ba hwetša selo sela se kokotetšwe ka go bona, “Ka baka la eng, bopišopo ba ba boletšego se. Gomme *yo* o boletše se, *yo* o boletše se.” O ba laetša mo thwi ka Lentšung la Modimo fao e leng GO RIALO MORENA. “Eupša modiša wa rena . . .”

Ga ke kgathale gore modiša wa gago o reng, ga ke kgathale gore ke reng, goba yo mongwe gape o reng. Ge e thulana le Lentšu le le hlatsetšweng la Modimo, iri, nako, ka Molaetša, le go ya pele, e lebale. Dula kgole le yona. Gomme ke swanetše go ema pele ga yo mongwe le yo mongwe wa lena ka Letšatšing la Kahlolo, gomme o tseba seo. Bonnyane nka re seo, ke tseba gore ke mokgalabje bjale. Ke tla . . . Ga se gore ke tseba se sengwe, eupša O a tseba. Ke no latela se A se boletšego.

<sup>138</sup> Lebelela lehono ditsošeletšo tše kgolo tšeo re neng natšo go putlaganya lefase. E hlatsela gore e be e le ga lefeela. Gomme Jesu a ge a re mo bjale, Luka 7:7, “Ka lefeela ba re ba Nthapela”? Ke ka lefeela ge Dafida a tlišitše areka godimo. Ke ka lefeela ge Ahaba a hlahlile baporofeta. Ke ga lefeela ge Biliama a tšere tšhelete yela. “Ba ruta Thuto ya melao ya batho.” Ke melao ya Modimo ye balwago, go sa kgathale gore seb- . . .

<sup>139</sup> “Bona batho ba hlokošetše ka nnete.” Le kwa seo ga kudu, “Ke ba go ikokobetša.” Seo ga se re selo. Dihlatse tša Jehofa, Maseventh-day Adventist, ka moka tšeo tša go se tlwaelege dithuto, ba tšwela ka ntle mekgotheng mo gomme ba dire dilo tšeo yo motee wa rena a ka se di direng. Makatoliki ba ema khoneng gomme ba kgopela, le go ya pele, tšeo ditaello tša yona go swana le yela, boleng bja yona ke dibilione di balwa ka dibilione le dibilione tša ditolara, le bjale ba sa kgopella yona. Tlhokofalo, ntle ga pelaelo. Dikereke di a ya gomme—gomme ba rera, gomme le go ya pele, gomme bareri ba ema phuluphithing gomme ba dira se sengwe le se sengwe ba ka kgonago go hwetša maloko a maswa ka kerekeng tša bona; eupša ke areka ye mpsha.

Go na le Areka e tee feela go e latela, yeo ke, Lentšu la Modimo. Se sengwe kgahlanong le Areka yeo, dula kgole le sona! E godimo ga koloi ye mpsha, gomme e seng magetleng a Modimo. Therešo. Dula kgole le selo seo. O se be le selo go dira le yona.

<sup>140</sup> Ditsošetšo tša rena tše kgolo, dibilione le dimilione di dirile maipolelo. Gomme ke a belaela ge eba go tla ba ba lekgolo ba bona, go ya yona ka moka. Le a bona, ga se nke e eba selo.

Ka gona lebelela Lentšung la tshepišo.

<sup>141</sup> O tla gopola gore seo se paletšwe, gomme re tseba gore se paletšwe. Ba bangwe ba rena ba bagologologolo ba—batšošetši mo nageng lehono ba re se paletšwe ka go felela. Kereke e a tseba gore e paletšwe. Yo mongwe le yo mongwe o a tseba gore e paletšwe. Go lokile, go reng ka yona? Go reng e palelwa?

E be e le ka lebaka le lebotse. E be e le go tliša batho Bogoneng bja Modimo, ditsošetšo tše kgolo. Gomme dimilione tša batho ba berekiša tšelete ya bona, gomme ba bea ditsošetšo tše kgolo. Gomme dikereke ka moka di ile mmogo, diotithoriamo tše kgolo, le dilo tše kgolo, gomme dilo tše kgolo di direga. Go reng e pala? Ke ka gobane ga se ba ke ba tseba iri ye ba phelang ka go yona.

Ga go makatše ge Jesu a ile a ema, gomme ka pelong ya Gagwe O llile. Megokgo ya theoga marameng a Gagwe, gomme A re, “Jerusalema, O Jerusalema, ke ga kae Ke go alamela bjalo ka sethole se dira go mantsuana a sona. O kgatllile moprofeta yo mongwe le yo mongwe Ke go rometšego yena. Eupša ga se wa ke wa. Eupša ga bjale iri ya lena e tlile.”

<sup>142</sup> Na ga le kwe Moya wo Mokgethwa o goelela go tšwa ka go lena? “Oh, United States le lefase, ke ga kae Ke ile ka le kgobela, eupša la se ke. Bjale iri ya lena e tlile. Modimo wa lena wa lethabo, modimo wa lena wa ditšhila, modimo wa lena wa Sodoma le Gomorah, o tlile magareng ga lena.” Mmogo le bana ba rena ba bannyane, go kota meriri bjalo ka beatle le sefahlego sa go tlala lešata, baarogi ba bannyane ba tšwela ntle. Basadi ba rena ba ile. Bo kgole le topollo. Banna ba rena ba fetogile bakgaetšedifatšwa, ba hlehla go dikologa ka a manyane, ba tšwele ka marokgo a manyane, gomme ba itshwara bjalo ka mosetsana, le meriri e lekeletše go theoga melala ya bona. Gomme re tletše ka Bosodoma, gomme mollo le kgalefo ya Modimo e re letile.

<sup>143</sup> O tseba ka mo A ka bolayang, ka mo A ka e senyang? Ka tsela yeo ka mehla A e dirileng. Ge seotswa se dirile se sengwe sa phošo, o be a kgalwa ka maswika go iša lehung; ba kgobelela maswika go bolaya mosadi yo e beng e le seotswa. Ke ka tsela yeo A tla bolayang kereke. Beibele e rile O tla neša sefako sa maswika go tšwa magodimong, se se tla bago le

boima bja diphounte tše lekgolo seripa, gomme O tla ba kгатla. Ke mang a tla Mo emišang? Ke saentshe efe e tla reng e ka se dirwe? O tla e dira.

Go swana le ge A dirile areka gomme ya sesa le Noage go ya tšhireletšong, O tla e dira gape ka Kereke ya Gagwe.

Gomme ka melao ya Gagwe Mong le tselo ya Gagwe Mong, O tla kгатla seotswa sela se se dirilego bootswa le dikgoši le balaodi ba ba makgolo le dikete. O tla mo kгатla go ya lehung, go ya ka melao ya Gagwe Mong ye A e beileng ka lenaneo. Ke mang yo a tla Mmotša gore A ka se dire sefako sa maswika?

<sup>144</sup> Botšiša yo mongwe yo a tsebang gore lerotholodi la pula le thoma bjang. Gomme le dira ntikodiko, gomme le boela morago go thepo; le topelela gantši le gantši le gantši, go fihla le swara boima bjo bongwe, gomme le wela fase.

Yena, Modimo, Yo . . . kgogedi ya lefase ga se nke e kgona go Mo swara mo lefaseng, gomme A rotogela Legodimong. Modimo, Yo a dirilego kgogedi ya lefase, a ka kgona go dira thepo ye kgolo ye e ka butšwetsago leswika go fihlela boima bja lona bo e ba diphounte tše lekgolo. O ile O tla e dira, gomme O tla e dira. Ke mang yo a tla mmotša gore A se e dire? O tla e dira, ka gobane O ile O tla dira.

<sup>145</sup> Re ka matšatšing a mafelelo. Re eme kgauswi le kahlolo. Go reng? Ba leka go ja manna a kgale a a weleng mengwaga ye masometlhano ya go feta, kereke ya Pentecostal. Kereke ya Maholiness e leka go dira, ka godimo mengwaga ye makgolo pedi ya go feta. Maluther, e ka ba makgolotharo, goba go feta, mengwaga ya go feta, mengwaga ye makgolo ye mentši ya go feta. Ba leka go ja manna a kgale. Oo, ngwanešu, selo sela se eme felo gotee. Se senyegile. Se tla . . . Se na le—se na le . . . Go reng, ka mehla ke be ke re, dinyokanyokiša mesela ka go wona, diboko. E tla go bolaya, go e ja.

<sup>146</sup> Hwetša ge eba Dafida goba yo mongwe wa bona ka moka a be a botšišitše Borothis bja iri yeo.

Ge baprista, le baporofeta, le bareri, le baithutamodimo, le dikolo, le dikereke tša maina, di ka be di botšišitše iri! Eupša bjale e ka se ba direle go loka. E ile ya thota. E ka se thuše le gannyane. O sepetše bjale. O tshetše mothalo wola mengwaga ye mehlano ya go feta, gareng ga boitsholo, kahlolo le mogau.

<sup>147</sup> Elang hloko, ke eng gona? Naa go ka dirwang? Naa go tlo dirwang? A re botšiše moporofeta, Beibele, fao re ka se oketšego goba go tšea go Yona. Ge re dira, Modimo o re tšea go tšwa ka Pukung ya Bophelo.

Beibele e rile, ka go Maleaki 4, naa go tla direga eng lehono. Kutollo 10, Mahuto a Šupa naa a tla bulega bjang gomme a utolla diphiri ka moka tše di bego di utilwe go kgabola batsošološi ba! O boletše ka fao e tla dirwago. E ka Beibeleng,

GO RIALO MORENA. Modimo ka go felela, ka go phethagala o tsebišitše seo; gomme a Se hlatsela go ba Therešo, ka maswao, mehlolo kua magodimong, maratadimeng, gomme le se sengwe le se sengwe gape, mengwaga ye masometharotharo.

O nagana gore ba tla E theeletša? Aowa. Ba hwile. Ba beile seatla sa bona ka go se sengwe se se bolaileng selo sohle. Aowa, e ka se ke; e ka se ke, e sego gape.

<sup>148</sup> E be e le mola ge se se direga, ge Dafida a bona. O Modimo, re romele Dafida yo a ka bonang mo a emego, yo a ka lebelelago ntle gomme a bona Modimo a dirile tshephišo eng, gore O a go e dira lehono. Modimo o e boletše thwi mo ka Lentšung la Gagwe, gore O tlo e dira bjang.

<sup>149</sup> Modimo o boditše Mika. Mika o lekotše pono ya gagwe pele ga baporofeta ba makgolonne ba go hlomphega. O lekotše pono ya gagwe go bona ge eba e be e le nnete. O lebeletše morago go se moporofeta a se boletšego pele ga gagwe, go bona gore go diregile eng. O lebeletše morago, gomme a bona Eliya yola a eme fale, a re, “Ahaba, dimpša di tlo latswa madi a gago, le wena.” Bjale, o be a bone gore pono e tlwa go ya ka Lentšu la Modimo, ka fao o ile a e bolela. Gomme o be a na le nnete. Nnete. Go sa kgathale gore ka moka ga bona ba rileng, o eme therešong le Lentšu.

<sup>150</sup> Bjale a re lebelele pono ye re nago le yona lehono. Na ke go aga dikereke; a ke dilo tše mpsha; a ke dilo tše kgolo tše di tlogo go direga? Goba, ke yona kahlolo? Lebelela morago gomme o bone tshephišo ya lehono, lebelela sehla se re phelago go sona.

<sup>151</sup> O re, “Go lokile, Modimo a šegofatšwe, ngwanešu, ke hlokofetše. Ke tšoenne kereke. Ke na le grata ya bokgabo ya ka. Ke dirile se.” Seo se gabotse, seo se lokile, ga go selo kgahlanong le sona; go bile bjalo le Dafida, go bile bjalo le baprista ba letšatši lela, go bile bjalo le go baithutamodimo. Eupša e be e le kgahlanong le Lentšu.

<sup>152</sup> Modimo o boletše gore O tla e dira bjang lehono, gore O tla bušetša bjang tšohle, seo A tla se dirago gape. O tshephišitše go bušetša. Seo ke tlwa nnete. Ka go Joel 2:28, O tshephišitše gore O tla bušetša. “Ke tla bušetša,” o rialo Morena, “mengwaga ka moka tše phatakala e di jelego.” Di na le di- . . . Le a bona, seo ke seboko se se swanago; se lemong la go fapana la bophelo. Gomme ge Bokatoliki bo thoma go ja, gomme Boluthere, le Bomethodist, le Bopentecostal, le ka moka, tlase; O rile, “Ke tla bušetša se sengwe le se sengwe morago go ya ka Kerekeng go swana tlwa le e tee yela e bego e le nakong ya mathomo.”

<sup>153</sup> Bona pono bošego bjo bongwe. Monyalwa yo a swanago tlwa o tla ka lehlakoreng *le*, o tla ka lehlakoreng *le*. Ka morago ga ge diotswa tšela di fetile ka diaparo tša tšona, dilo tša bona tša kgale di *le* godimo ka tsela ye, gomme go binwa ka modikologo-pshikologa, gomme ba ipitša ka bobona Kereke.



O re, “Go lokile, ga re dire seo.”

Yeo ke tsela ye Modimo a go bonang ka yona. Ga se se o se bonang ka go wena. Ke ka tsela ye Modimo a go bonang. Ga go monna yo a iponago phošo ka boyena. Ge o lebelela ka seiponeng sa Lentšu la Modimo, Se go botša ge eba o a phoša goba aowa. Ge nkabe Dafida a dirile seo, nkabe a bone phošo ya gagwe. Ge nkabe Ahaba a dirile seo, goba bona baporofeta ba dirile seo, nkabe ba ipone phošo ka bo bona.

<sup>154</sup> Moporofeta yo a hlatsetšwego o rile, “Ahaba o tla hwa, gomme dimpša di tla latswa madi a gagwe.” Gomme seporofeto sa gagwe se be se le tlwa le Lona. Gomme o ile a tseba gore o na le nnete. Le Josafeta nkabe a e bone yela gomme a e tseba. Ge Mika a bone pono, o be a se go batho ga kudu matšatšing ao, eupša o be a swere GO RIALO MORENA. O be a rereša.

<sup>155</sup> Elang hloko, re tliša selo se bjale mo letšatšing le, ge re bona iri ye kgolo re tlang go yona.

Elang hloko se Dafida a beng a leka go se dira, le yena. Ke na le lengwalwana mo ka sona. O be a leka go bušetša areka ka toropongkgolo ya Dafida, kereke ya leina ya gagwe yena mong.

<sup>156</sup> Lebelela morago kua ge Morena a boletše pele tlase ka nokeng, “Bjalo ka ge Johane Mokolobetši a romilwe go eta pele go tla la mathomo. . . .”

Ngwanešu, Maassemblies ba paletšwe ke go emela seo, go bile bjalo le Maunited, ka moka ga bona. Ba be ba swanetše go ba le yo motee felotsoko. Ah, ka moka ba be ba swanetše go e dira, le a bona, fao tlwa. Ka moka ga bona ba ile ba swanela ke go e tliša ngwakong wa bona beng.

<sup>157</sup> Ba nyakile go e tliša toropongkgolo ya Dafida. Go reng? Go be go se lefelo le le e loketšego.

Ke ka lebaka leo o ka se tlišego Molaetša ka go kereke ya leina. Lentšu, Areka, Kriste, “o a swana maabane, lehono, le ka gosafelego,” gomme le boitsebišo bja Gagwe ka moka, o ka se kgone go Le tliša go mokgatlo wa geno. Ba ka se tsoge ba Le dumela, gobane ga go kamora ya Lona. Naa Beibele ga e re O be a le ka ntle ga kereke ya Lebaka la Laodikia, a leka go tsena ka gare?

Go be go se lefelo ka toropongkgolo ya Dafida, go sa kgathale gore e be e botega bjang, le gore e be e le ye kgolo bjang, le—le go ya pele. Go le bjalo e be e se lefelo. E be e eya go ba ka Jerusalema. Fao ke mo e ilego ka morago, ge moporofeta a ba boditše gore ba dire eng ka yona. Le a bona? Ka fao Dafida o ile a swanela go e tliša toropongkgolo ya gagwe. Go se lefelo le le e loketšeng.

<sup>158</sup> Kriste ke Areka ya rena, ba ka se E amogele. Kriste ke Lentšu; ba ka se Le amogele. Ba nyaka dithutotayo tša bona, kereke ya bona ya leina, areka ye mpsha, goba—goba serwadi se seswa. Ba nyaka kereke ya leina e Le rwala; areka ye mpsha. Huh!

Gopola, Kriste Areka ya rena! O dumela gore Kriste ke Lentšu? [Phuthego e re, "Amene."—Mor.] Yeo ke Areka, gona. A seo ke nnete? Tšohle gabotse. Kriste a ka se kgone go rwalwa, go ya go leemo la Gagwe la nnete, ka koloi ye nngwe le ye nngwe ya kereke ya leina. O šoma le motho yo motee, gomme e seng le sehlopha. Ga se a ke a šoma le sehlopha; motho o tee. Neng, O rile A ka se ke. Ge A dirile, O thulane le Lentšu la Gagwe, Amose 3:7. O ka se kgone go Le dira gore le aketše. Aowa, mohlomphegi. Lona ke Therešo.

<sup>159</sup> Eupša, le a bona, ba a leka. Areka e ka se kgone go rwalwa ke mokgatlo. Go na le dihlogo tše ntši go wona. Le a bona? E ka se dirwe. O tshephišitše gore A ka se dire, gomme A ka se e dire. O rile. . . ge A tshephiša—ge A tshephiša go e dira ka tsela ye nngwe? Leo ke lebaka le A tshephišitšego gore A ka se e dire.

O se ke wa nagana tšona dikgopolo. Ke kgona go e kwa. Le a bona?

<sup>160</sup> Ka fao O—O tshephišitše gore O tla e dira ka tsela ye nngwe, gomme se sengwe kgahlanong le seo A ka se se dire. Le a bona? Eupša ka tsela ya Gagwe ya setlogo, go ya ka se A se boletšego ka go Amose 3:7, yeo ke tsela ye A tla e dirang. Gomme seo se swanetše se hlatselwe gomme se netefatšwe go ba therešo.

Bjale, o tseba se A se tshephišitšego lehono, gomme O a se dira lehono. Seo ke sona A ilego O tla se dira. O tla bula Mahuto ao a Šupa, gomme ka moka tše a ilego O tla di dira; go utolla diphiri ka moka fale, ka fao dikolobetšo morago le dilo ka moka tše di ilego tša senyega. Gomme fa e gona, ka Bagoneng bja Gagwe. Saentshe e a e hlatsela. Magodimo a e begile. Batho ba emeletše, ba e lebeletše thwi, gomme ba e bona e direga. Ga go le selo se setee se A se boletšego eupša se A se dirilego therešo. Fao le gona. Gore le tle le kgone go bona fao re lego lehono.

<sup>161</sup> Ka fao monna yo mongwe le yo mongwe yo a nang le Moya wa Gagwe, o a e tseba; o na le Moya wa Modimo godimo ga gagwe, o a tseba gore Le ke Therešo, gobane Moya wa Modimo o ka se bolele se sengwe kgahlanong le Lentšu. Aowa, aowa. O tla ba thwi le Lentšu.

O re, "Ke na le Moya wo Mokgethwa. Ke goleditše; ke boletše ka maleme. Ke binne ka Moya." Seo ga se re selo se setee go Modimo. Le a bona?

Dafida o dirile se se swanago, go tšweletša selo se se swanago, morago kua. Ba opetše ka maatla a gagwe ka moka, gomme a goeletša ka maatla a gagwe ka moka. Bohle ka moka ga bona ba dirile, gomme ba be ba sepelela thwi ka lehung. Seo ke therešo. Seo ga se na le se sengwe go dira ka yona.

<sup>162</sup> Ke Lentšu le le balwago, Lentšu la Morena. "Bao ba letang go Morena." Eye, mohlomphegi. Le a bona, bao ba nago le

Moya wa Modimo ka go bona, ba lebelela tshephišo ya lehono, gomme ba a lebelela le go letela go fihla ba Le bona. Ka gona ba re, “Leo ke Lona.” Modimo o Le utollela bona.

<sup>163</sup> Bjale ka Nathanaele. Filipi o ile gomme a hwetša Nathanaele. Nathanaele o rile, “Bjale ema motsotso. Ke tseba se se tshephišitšwe, eupša e re ke Le bone.” Gomme ge a Le bone, o rile, “Leo ke Lona.”

Mosadi o rile, “Bjale, ke a tseba, ke kwele dithutamodimo ka go fapana. Ke dirile *se le sela*. Gomme ke badile Beibele, ka bonna, gomme ke a tseba gore re... Go na le Mesia o a tla, yena o tla dira dilo tše, ka fao O swanetše go ba o le moporofeta wa Gagwe.”

O rile, “Ke nna Yena.”

<sup>164</sup> O rile, “Etlang, le bone Monna, le ke Lona.” O letile go fihla a bona Mesia a tsebagatšwa ka Lentšu la Modimo, ka gona a re, “Seo ke se re beng re se letile, mengwaga ye makgolonne. Ga se ra ke ra ba le moporofeta goba eng. So O mo, gomme Yena ka Boyena o re ke Yena Yena.” [Lefelo le le se nang selo godimo ga theipi—Mor.]“... gona ntle gomme le bone Monna yo A mpoditšego tšeo ke di dirilego.”

Eupša baprista ba nyakile go Mmolaya, gomme mafelelong ba e dira. Le a bona?

Eupša ba ka se kgone go bolaya Moya wa Gagwe lehono. Seo ke therešo. Aowa, ba ka se O bolaye. O be o le mo go re tliša ka gare, ka fao re a leboga. Elang hloko gore Modimo ke yo mogolo gakaakang, mešomo ya Gagwe ke ye megolo gakaakang, ka fao e ka se tsoge ya palelwa!

<sup>165</sup> Bjale, Modimo o file gomme tsela ya setlogo go dira dilo, gomme A ka se tsoge a e dirile go fapana le yeo.

<sup>166</sup> Bjale O tshephišitše ka matšatšing a mafelelo seo A tlang go se dira. Gomme Le ba rometše, rena Molaetša; gomme Molaetša wo o tla ba le boitsebišo bja go swana le bjo Eliya a bilego nabjo, ka ge Elisa a bile, ka ge Johane Mokolobetši a bile. Gomme O tla bušetša dipelo tša batho, e sego go ya go kereke ya leina, eupša morago go ba setlogo, botate ba baapostola, morago go Lentšu. Ka fao dilo tše di hlatsetšwego. Ka fao e lego gore ka go letšeng ga morongwa wa mafelelo, Kutollo 10, “Ka matšatšing a morongwa wa bošupa, diphiri tše ka moka di bego...”

“Ke ka lebaka la eng Mamethodist ba dirile *se*, le Mabaptist, le kereke ya Kriste, gomme le Dihlatse tša Jehofa, ka moka ba dira *seo*?”

“Tšona diphiri di tla utollwa ka letšatšing la mafelelo, ge wo morongwa ba šupa... Molaetša wa morongwa wa bošupa, ge a...” E seng ge a thoma go dira see, eupša, “Ge a thoma go goeletša Molaetša wa gagwe.” Le a bona? E sego mengwaga

ka tokišong, eupša, “Ge a thoma go goeletša Molaetša, diphiri tše nakong yeo di tla utollwa.” Gomme šeba; ke sa ba tsebe, gomme lena batho le hlatse ya seo.

<sup>167</sup> Gomme ka gona ka go bobogalefaufau bjo bogolo bjola, gore lefase le be ntle le, ba sa makala gore go diregile eng. Ka Tucson, wona mabogalefaufau a magolo a tšere senepe sa lona godimo kua; ba sa maketše gore go diregile eng. Ke eng? Ba sa bea ka pampiring, “A yo mongwe o tseba se sengwe ka gore ke eng, ka fao se kgonne go direga?” Fale ga go na le kgudi kua, fao ga go moya, fao ga go monola; dimaele tše masometharo ka moyeng. Oo, nna!

“Go tla ba le maswao ka legodimong godimo. Gomme ge dilo tše di direga, ditšhišinyego tša lefase mafelong a go fapana, ka gona go tla tšwelela leswao legodimong, la Morwa wa motho.” “Letšatši leo,” ka go Luka, “Morwa wa motho o tla ikutolla ka Boyena gape; a utollwa, Seyena.” Gomme lefase le tla lebellega bjalo ka Sodoma le Gomora. Oo, nna!

Banešu, le se ke la hloka tsebo go dilo tša semoya, le a bona. “Hlolang Mangwalo, ka gore ka go Wona le nagana ka Gosafeleng, le na le Bophelo bjo Bosafelego; gomme Ke Wona a a fago bohlatse ka Lentšu.” Ke Wona a a fago bohlatse bja Therešo, dilo tše Modimo a di dirang mo iring ye.

<sup>168</sup> Gomme bjale eng? Bao ba nang le Moya wa Modimo, ba letela dilo tše. Gomme ge ba bona dilo tše, ba dumela dilo tše. Jesu o rile, “Ga go motho yo a ka tlang go Nna ge e se ge Tate wa Ka a mo goga. Gomme ka moka ba Tate a Mphilego,” Ke yena Lentšu, “ba tla tla go Nna. Ba tla tla go Nna.”

<sup>169</sup> Ke be ke le makgwagwa mosong wo, le a bona. Ba leta Moreneng, ba letile; gomme ge ba dira, gomme ba bona tshephišo yeo ya lehono, e hlatselwa, e tsošološa tumelo ya bona go Lentšu la Gagwe. Gobane, O tshephišitše go e dira, gomme fa O a e dira. Ka gona ga go na pelaelo. Modimo o a bolela. Lentšu la Gagwe, pele, le bolela. Gomme ka gona Moya wo o Le tlišang o dira selo se Lentšu le reng O tla se dira.

Oo, re na le baekiši ba bantši. Re sa tlo ba le bona ba bantši, banna ba pelo tša go hlokofala ba leka go dira dilo ka tsela *ye* le ka tsela *yela*, eupša lebelela se se diregilego. Batho ba tla bea diatla tša bona, gomme ba—ba hwa. Le a bona, elang hloko.

<sup>170</sup> Ga go tshepedišo ya monna ya kereke ya leina e tla šomago, ba dira maloko a tša bona beng diareka tša maitirelo tša kereke ya leina. Modimo ga senke a e ba le kereke ya leina. A ka se tsoge a ba le kereke ya leina. Gomme ke selo sa go dirwa ke motho.

<sup>171</sup> Gomme ke a makala, lehono, go diswantšho tša rena ka moka gomme le ditsošetšo tše kgolo tša rena le ditsošetšo, ga se ra be ra tlatša areka ya Methodist, areka ya Baptist, areka ya Presbyterian! Eupša go reng ka Areka ya Kriste, Lentšu?

Gomme ge eba Monyalwa e ya go ba Lentšu, gona O swanetše goba wa Kriste, karolo ya Monyadi. O swanetše go ba Lentšu; Lentšu e seng la letšatši la Gagwe; Lentšu la letšatši le, le A le tshephišitšeng gore le tla ba letšatši le, gore O rometše Lentšu la Gagwe pele go beakanya Monyalwa wa Gagwe gomme A mo dira. Ke holofela gore re a e bona! O se be le kgopolo ya gago bjale, gomme o se tšee kgopolo ya yo mongwe. Tšea Lentšu le le hlatsetšwego mo, Beibele. E a bolela.

Modimo o tshephišitše ka Lentšung la Gagwe gore O tla kgetha bjang Monyalwa wa Gagwe mo letšatšing le la mafelelo. A o tsebile seo? O se tshephišitše, gore O tla e dira bjang, gomme seo ka polane ya Gagwe ya go kgetha Kriste, ya go kgetha dinako, go kgetha dihla, ka fao o... E ka se mo palele, go Monyalwa wa Gagwe, gobane Yena ke karolo ya Lentšu leo.

A ka se E kgethe ka kereke ya leina, ge A se nke a kgethe Kriste ka kereke ya leina. A Kriste o tlile go kereke ya leina? Na O tlile go kereke ya leina? Aowa. Ba ganne Yena. Go lokile, seo ke se kereke ya leina e se dirilego nako yeo. Ka gona ge A kgetha Monyalwa, na A ka tla ka tsela ye nngwe le ye nngwe?

Na O tlišitše Kriste bjang mo? Ka Lentšu la baporofeta. A seo ke nnete? Na O tla tliša bjang Monyalwa wa Gagwe mo? Ka Lentšu la baporofeta.

Na O Mo tsebile ka eng ge A e tla? Ka monna ka moya wa Eliya go yena, a etšwa ka lešokeng. Na O tla tsebatša Monyalwa wa Gagwe bjang? O tshephišitše ka go Maleaki 4 selo se se swanang, pele A fediša lefase, go swana le ka fao o bilego ka matšatšing a Sodoma.

<sup>172</sup> Gopolang, Sodoma e ile ya swa. Na seo ke nnete? Go lokile, lefase le le tla swa. Jesu o boletše bjalo. Gomme e tla ba nako, yeo, bjalo ka Luka 17 tema le temana ya 30 e re, “Ka matšatšing go tla swana le Sodoma le Gomora, fao go bilego ka Morwa wa motho o tla utollwa.”

Gomme nako yeo na go tla direga eng? Go ya ka Maleaki, O tla tšhuma lefase gape, gomme baloki (ka Miliniamo) ba tla sepela godimo ga melora ya bagopolo. Na seo ke nnete? Le a bona?

Ka fao re ka mafelong a nako thwi. Re dutše mo ka mojako bjale, re letetše gore A tle.

<sup>173</sup> Elang hloko, Modimo o tshephišitše ka Lentšung la Gagwe gore O tla kgetha Monyalwa wa Gagwe ka tsela ya Gagwe ya setlogo. O kgethile wa Gagwe. Monyadi! O e boleletšepele ka baporofeta, gomme a romela moporofeta go e tsebatša.

Moporofeta o rile, a eme maribeng a noka ya Jorodane, “Bonang!”

Ba rile, “Ke wena Mesia, na ga se wena?”

O rile, “Aowa, ga se nna Mesia.”

“O swanetše go ba o le Mesia.”

174 “Eupša ga se nna Yena. Eupša Yena o eme magareng ga lena. Gomme dieta tša Gagwe, ga ke na le maswanedi a go di tlemolla. Ge Yena a etla, a itsebatša Yenamong. . .”

Gomme lehono O eme magareng a rena, ka Motho wa Moya Mokgethwa, a iponagatša Seyena gape le gape, a etla ka Kerekeng ya Gagwe, a itira Seyena go tsebega; gobane, Yena, le Monyalwa le Monyadiwa e tla ba ba go swana, a itsebiša Seyena. Gomme letšatši le lengwe o tla bona gore yo Motee o mo kwelego ka pelong ya gago, gomme wa bona boitsebatšo bja Gagwe, o tla ba wa sebele pele ga gago, ka gona wena le Yena le Batee.

Le kopantšwe ke Lentšu. Gomme Lentšu, le le bego le le mathomong, le tla boela mathomong, e leng Modimo. “Gomme letšatši leo le tla tseba ge Ke le ka go Tate, Tate a le ka go Nna; Nna ka go lena, gomme lena ka go Nna.” Haleluya! Re gona mo. Haleluya! Ke thaba kudu go mmona A a itira motho ka Boyena thwi magareng ga rena, gomme le bona se A re tshephišitšeng ka Lentšu; e seng se e leng maikutlo a yo mongwe, a opela, gomme a taboga, le go bina. Eupša ka Lentšu la Gagwe, amene, O itira Boyena go tsebagala.

175 Lebelela, ge ba tlišitše, ba aga tempele gomme ba tlišitše areka ka go yona, Modimo o ile ka kua ka Pilara ya Mollo. Amene. E be e le Dafida a tloang le go goeletša, e be e le baopedi ka moka le baprista ba eya pele, ge ba be ba le ka ntle ga thato ya Modimo. Eupša ge feela Modimo a tsebatša areka ka go la Gagwe lefelo le leemo, pele ba ka bea areka ka moo, fa go tla Pilara ya Mollo e ba etile pele; thwi go ya tlase godimo ga diphego tša bakerubi, gomme thwi ka morago ga Sekgethwakgethwa, lefelo la Gagwe la bokhutšo; Pilara ya Mollo! Gomme letago la Modimo le be le le ka fao, go fihla ba- . . . ga se nke ba bona le gore ba rera bjang. Amene.

E tla tswalela mahlo a moithutamodimo yo mongwe le yo mongwe, ge A tlela Monyalwa wa Gagwe. O tla tšeelwa godimo ma ga—ma gareng ga bošego, bjalo ka ge go bile, go bona. Ba ka se Mmone le ge a sepela. Oo, tumišo e ye go Modimo!

176 Elang hloko, Modimo o tshephišitše gore O tla tliša Monyalwa wa Gagwe ka ntle, seo A tla se dirang. Go tla ba le Peu. Go tla ba le Seetša ka nako ya manthapama, ke ka mokgwa wo A tla dirang dilo tše, ka go na tlwa, gomme ka tsela ye A e beakantšego go tloga mathomong ka go Testamente ye Tala le Testamente ye Mpsha.

Gomme ga se ka kereke ya leina. Ga se ka tshepedišo yeo re e berekišago lehono. Re no hlola lehu. A batho ba bee diatla tša bona le Sona, gomme ba hwe go tšwa go sona. Le a bona?

177 Lentšu, Molaetša wa manthapama, o swanetše go rwala dipoelo tša manthapama. Molaetša wa manthapama o swanetše go bjala Peu ya manthapama, e seng peu ya mesong. Peu ya manthapama! A seo ke therešo? Tiragalo ya sekgalela,

peu ya wona morago fale, e be e le kereke ya leina; e hwile, e senyegile. Eupša Molaetša wa manthapama o tla laetša Seetša sa manthapama, o tla laetša dipoelo tša mathapama; Molaetša wa manthapama!

Nako ya Jesu, molaetša wa sekgalela, o laeditše dipoelo tša sekgalela. Molaetša wa mathomong o laeditše dipoelo tša mathomong, o dirile tlholo. O dirile Morwa wa Gagwe ka seswantšho sa Gagwe Mong, ka sekgalela. Ka nako ya manthapama O direla Monyalwa wa Wona. Le a bona? E ba ka eng? Lentšu la Gagwe.

Na O hlotše lefase bjang? O le boletše gore le be gona bjang? Ka Lentšu la Gagwe!

Na Morwa wa Gagwe e be e le mang? Lentšu! “Mathomong e be e le Lentšu, gomme Lentšu le be le go Modimo. Gomme Lentšu la tla la dirwa nama gomme la dula le rena.”

Na O tla tšea Monyalwa wa Gagwe bjang? Ka Lentšu; e seng ka koloi ye mpsha, e seng ka kgopolo ya moithutamodimo. Eupša go ya ka Lentšu la Gagwe O tla Mo tseba. O se ke wa bea setee go Lona goba wa tšea se tee go Lona bjale. Le tlogele ka tsela ye Le lego. Le a bona?

<sup>178</sup> Nako ya manthapama, O tšephešitše gore O tla utolla, go le bjalo, a bula Mahuto a a Šupa gomme a laetša gore tšona dikereke di e fošitše eng kua morago. Kutollo 10, le Maleaki 4, Luka 17:30, O rile O tla e dira. Bjale a re se e hlakanye. A re e tlogele gabotse e le bjalo.

<sup>179</sup> E re ke, ke tswalela . . . E kgauswi le, gabotsana kgauswi le metsotso ye lesomehlano go ya go lesomepedi. E re ke tswalele, ka go bolela se.

Bagwera, theetšang, ka Leina la Morena Jesu! Dilo tše di no ba pepeneneng gore lena le se Le dumele. Le pepeneneng gore lena le se ke la Le bona. Ka nnete le kgona go bona Leo! Ka nnete lefase le kgona go bona Leo! Eupša eba ya lena . . .

O se huetšwe ke dilwana tše mpsha tše tša go hloka mohola le dilo tše ba neng natšo lehono; ga ke kgathale gore monna o lokile gakaakang, ba hlokofetše gakaakang. “Ge ba sa bolele go ya ka molao le baporofeta,” Beibele e rile, “ga go Bophelo go bona.” Le a bona?

<sup>180</sup> Dafida o gopotše gore o be a rereša. O be a hlokofetše. Baprista ba gopotše gore ba be ba rereša. Ba be ba hlokofetše. Eupša ba paletšwe ke go rerišana le Morena ka yona. Gomme ba ka be ba e dirile bjang? Mohlomongwe ba rile, “Re ile ra rapela.” Eupša yeo e be e se tsela ya Modimo ya go e dira. O tšephešitše gore A ka se dire selo go fihla pele A se utollela bahlanka ba Gagwe baporofeta. Gomme fao go eme Nathanaele magareng a bona, gomme ga se nke ba rerišana le yena le gatee.

<sup>181</sup> Bjale bala ditema tše mmalwa tša Dikoronika fao, gomme o tla hwetša. Ge Dafida a dutše ka ngwakong, gomme a re,



“E lokile,” gomme Nathanaele o be a dutše le yena, “gore ke swanela goba le, ke phele ka gare ga mosetara, gomme—gomme arekeng ya Modimo ka tlase ga ditente ka ntle mo?” Gomme Nathanaele o hweditše, go tšwa go Morena, seo a swanetšego go mmotša a se dire.

<sup>182</sup> Gomme o be a dirile go dira phošo, ka fao Modimo o rile, “Botša mohlanka wa Ka Dafida gore Ke a mo rata. Ke mo diretše leina bjalo ka banna ba bagolo mo lefaseng, eupša Nka se mo tlogele a e dira,” le a bona, “o Mphošeditše. Le a bona, Nka se mo dumelele a e dira. Ke tla tliša monna kgauswi, morwa wa gagwe, o tla tsoša ntlo ya goyagoile ya Modimo.” Gomme yoo e be e le Dafida, go bjalo. Yoo, Solomone o e swantšhitše, eupša o ile a palelwa. Monna yo mongwe le yo mongwe o swanetše go palelwa. Motho yo mongwe le yo mongwe o swanetše go palelwa.

Modimo ke yena a Nnoši a ka se palelweng. A ka se kgone go palelwa. Seo ke selo setee Modimo a ka se kgoneng go se dira, ke go palelwa. Gomme Modimo ke Lentšu. Gomme Lentšu, go sa kgathale gore le lebelelega gore le ya go tla ka tsela ye nngwe ye, le tlo tla tlwa ka tsela ye Lentšu le boletšego.

<sup>183</sup> Bjale gopola, o swanetše go latela sehla, nako. Le a bona? Gomme ke sehla sefe o lego ka go sona, ke nako mang, gomme le dire le hlatselwe, go bona gore tlwa ke Therešo.

<sup>184</sup> Bjale tšea ka moka dikgapeletšo, Lentšu ka moka, diswantšho ka moka, le dilo, gomme lebelela fao o dutšego. Gopola ka iri ye re phelago ka go yona.

Lebelela ka kua, gore kgauswi karolo ya lesome ya lefase e loketše go wela. Saentshe e bolela seo. Ba lebeletše nakong. Mengwaga ye mmalwa ya go feta, ba rile, “Ke metsotso ye meraro feela bjale go fihla mašegogare.” E ka no ba motsotso, e ka no ba seripa sa motsotso bjale.

Ba rile, “E ka se direge mo molokong wa rena.”

<sup>185</sup> “E ka kgona go direga mo metsotsong ye mehlano.” Gomme ela hloko sa go latela a se boletšego, “Mengwaga ye mehlano.” Ga se nke ke bolele seo bjale. O boletše seo, rasaentshe. Ba tšhologa go tšwa California bjalo ka dintšhi. Le a bona? Go lokile, letšatši le Lota a tšweleng ka Sodoma, ka lona letšatši go nele mollo godimo ga lefase.

Lete la matšatši a Modimo o tla tšea Molaetša wa rena, gomme re ya go tloga mo. Se sengwe se ya go direga, nnete ka go tlala, gona, ge Kereke e sepetše, Mmele wa Gagwe, Monyalwa wa Gagwe.

<sup>186</sup> Bjale ke nyaka go le balela Lengwalo, gomme ke nyaka Le le bale le nna. Ke nyaka le phetle ka go Doiteronomio 4, re tswalela. Ke dumela gore go boletšwe go lekane, gore le tla kwešiša. Doiteronomio 4. Ke ya go bala mafelo a mabedi ka mo.

Gomme go kereke ye, gomme go ditheipi, batho mo go ditheipi, le batho kgokaganong go kgabola dikarolo tše dingwe tša setšhaba, ke nyaka gore le theetše se ka bokgauswi, gomme le se palelwe. Se ke selo se ke . . .

Doiteronomio, tema ya 4. Ke ya go hwetša temana ya 1. Ke nyaka go bala temana ya 1, gomme ke ya go bala ya 25 le 26 temana. Le ka kgona e bala ka moka ge le fihla gae; eupša e nong, go seketša nako, gore re kgone go tšwa ka nako, ka gobane ke swanetše ke bowe gape bošego, ge Morena a rata. Theeletša moporofeta yo a bolela. O be a le ka Bogoneng bja Modimo. O tsebile se a beng a bolela ka sona. Theetšang.

*Bjale theeletša, O Israele, go melao gomme le dikahlolo, tseo ke go rutago, gore o di dire, gore le phele, gomme le goroge le thope naga ye MORENA Modimo wa botataweno a le fago yona. (Seo se swantšha Miliniamo wa rena.)*

*O se oketše go lentšu le Ke go layago ka lona, gole bjalo o se ke wa fokotša go lona, (“O se ke wa oketša selo setee go Lona, gomme o se ke wa tšea selo setee go tšwa go Lona. Dula, e no bolela se Le se boletago!”) gore le boloke ditaelo tša MORENA Modimo wa gago tše ke go laelago tšona.*

*Mahlo a lena a bone se MORENA a se dirilego. . . go Baali-peoro: ka gobane banna ka moka ba ba latetšego Baali-peoro, MORENA Modimo wa lena o ba fedišitše a ba ntšha mo go wena. (“Bjale le batho ba ba aroganego, go tšwa go dikereke tša maina.” Le a bona? Le a bona?)*

*Eupša lena ba le gomaretšego MORENA Modimo wa lena, lena le a phela yo mongwe le yo mongwe wa lena letšatši le. (“Ga se nke le e hwa le kereke ya lena ya leina. Le a phela bjale, gomme ka Bogoneng bja Modimo.”)*

Tswalla, e se go fete. 25 temana, bjale, ge ba eya ka nageng, bjale lebelela se se diregilego.

*Gomme e tla re ge le belege bana, le ditlogolwana, gomme lena. . . le šetše le dutše lebaka le letelele nageng, gomme le tla itshenya ka bolena (seo ke se se diregilego), gomme la dira. . . diswantšho tša go betlwa (selo se sengwe), goba sebopego sefe le sefe, gomme le tla dira bokgopo pele ga sefahlego sa MORENA Modimo wa lena, la mo rumula gore a befelwe: (Theeletša!)*

*Ke bitša magodimo le lefase go ba dihlatse kgahlanong le lena letšatšing le, le a bona, gore lena ka pela ka go felela le tla senyega go tšwa go tloga nageng, goba lefelo, fao le yago mošola wa Jorodane go e tšea; le ka se telefatše matšatši a lena godimo ga yona, eupša le tla fedišwa sa ruri.*

187 Yo e be e le Moshe a bolela le Israele, ka morago ga go hlatselwa ke Modimo, ka Pilara ya Mollo, gomme a tseba o be a hlatsetšwe ke Modimo go ba mohlanka wa go ba ntšha. Gomme pele ba eya ka lefaseng, pele ba tsena, Moshe o rile, “Bjale, mantšu a ke a boletšego go lena, ke bitša legodimo le lefase go ba hlatse kgahlanong le lena. Ge o ka oketša ka se setee go Lona, goba wa tšea Lentšu le letee go Lona, o ka se dule lefaseng leo Morena Modimo a go neelang lena.”

Fao go rialo nna, ka Leina la Jesu Kriste! Le se ke la oketša ka se setee. Le se ke la tšea, la bea dikgopolo tša lena go Lona. Le no bolela se se boletšwego ditheiping tšeo. Le no dira tlwa se Morena Modimo a le laetšego go se dira. Le se ke la oketša go Lona.

188 Ka mehla O, o boloka tshephišo ya Gagwe go rena. Tshephišo ye nngwe le ye nngwe a E dirilego, O e bolokile. A O le boditše seo se tla diregago, gomme se ile sa direga? Ke tliša magodimo le lefase pele ga lena lehono, ka tlhohlo. A Modimo o ile a bolela se sengwe A se se phethagatše gomme a dira tlwa se A ilego O tla re direla sona? A ga se A se dira ka tsela ye A gore O tla se dira? Seo ke tlwa. Ka fao O tla tšwela pele go se dira. Wena o se ke wa oketša go Lona. O se ke wa ntšha go Lona. E no Le dumela gomme o sepele ka go ikokobetša pele ga Morena Modimo wa gago, ka gobane re batametše go tsena ka Nageng.

Ka gona, o ka se bowe, o ka se boele go mohuta wo wa bophelo gape. O tla bowa bjalo ka motho wa go se hwe. O tla goma, ge sebe se feditšwe, ge Sathane a tlemilwe, gomme mengwaga ye sekete o tla phela lefaseng le Morena Modimo wa gago a go filego lona. “Ka gobane ba boleta ba tla tšea lefase go ba kabelo ya bona.” “Mošegofatšwa ke yo a dirang melao ya Gagwe ka moka, gore a be le maswanedi a go tsena ka Toropongkgolo.” “Ka gore ka ntle go tla šala baloi, bo ramaaka, dihlotlolo, le dimpša. Bona ba ka se tsene ka gare.” Ka gobane ke ga Balopollwa feela, le bao ba sepelang ka melao ya Gagwe.

189 O se ke wa tšea selo se seswa. Di fofa mo gohle, gomme go tla ba le tša go feta tšeo di tla tla. Eupša o se tšee dilo tše tše mpsha.

Morena Modimo wa gago o go tsebišitše se e leng Therešo. Morena Modimo wa gago o hlatsetše ye e leng Therešo, ka Lentšu la Gagwe le ka Moya wa Gagwe. “E seng ka maatla, e seng ka maatla, eupša ka Moya wa Ka.” Gomme, Moya, “Modimo o nyaka bao ba Mo direlago ka Moya le ka Therešo.” “Lentšu la Gago ke Therešo.” Gomme O ile a netefaletšwa gore Jesu Kriste o a swana maabane, lehono, le ka gosafelego. O laeditše Peu tša manthapama go wena. O E utolotše go lena, ka Lentšung. O E kgonthištše go lena, ka Moya wa Gagwe.

190 Le se ke la tsoge la thoma goba la leka mokgatlo. Le se ke la leka go aga godimo ga eng kapa eng gape.

Eupša dulang le ikokobeditše pele ga Morena Modimo wa lena, ka gore go bonagala o ka re dikgoro di ka bulega go ya ka Nageng tshephišo ka pela. Ka gona a re yeng ka gare ka moopelo wa therešo le lethabo, ge Monyalwa le Monyadiwa a tšea lefelo la wona Teroneng.

<sup>191</sup> Phelang ka go kokobela. Phelang le rata. Ratang yo motee go yo mongwe. Le se ke la tsoga la ba le selo magareng lena. Ge o bona selo se sengwe se etla godimo ka pelong ya gago kgahlanong le yo mongwe, se ntšhetše ka ntle ga fao thwi nako yeo. O se ke wa dumelela. . .

Gomme Sathane o tla dira bokaonekaone bja gagwe go tla magareng a lena. Le a bona? Le se ke la dumelela seo go direga. Moisa wa leleme la boreledi a ka no tla mmogo gomme a leka go le tloša go Lona. Le nagana gore ba be ba ka bolega Moshe go mo ntšha Bogoneng bja Modimo, mo a bego a eme fao gomme a Le bona? Aowa, mohlomphegi. Aowa. Ga re fokotše go tšwa go Lona goba ra oketša go Lona. E nong go Le boloka ka tsela ye Morena a boletšego. Ga re nyake kereke ya leina. Ga re nyake mekgatlo. Ga re nyake bohlewele. Ga re nyake kgakgano. Re nyaka Modimo, gomme Yena ke Lentšu.

Bjale a re inamišeng dihlogo tša rena.

<sup>192</sup> O Modimo, ke lebelela go dikologa ka leihlo la moya, ke leka go bona se se diregago. Ke bona Lentšu la Gago, ka tsela ye Le hlatsetšwego, ka tsela yeo Le hlatsetšwego; tsela ka moka go tloga mengwaga ye masometharotharo morago, tlase fa ka nokeng, se O se boletšego. Gomme ke se sona, mengwaga ye masometharotharo ka morago, gomme O dira feela se O se boletšego. Gomme O dirile feela se O se boletšego. Morena, a go be kgole le rena go leka go Le dira bonnyane goba go Le dira bogologolo bjo bo itšego; feela go Le boloka ka tsela ye O Le dirilego, re no sepela ka go kokobela gomme re latele Wena.

<sup>193</sup> Ba ke bao, Morena, bao O neetšego go bodiredi, ka ntle le bao ba robetšego go kgabaganya setšhaba, go dikologa lefase. Dirapa tša mabitla mo di swere ba bantši bao ba letilego, bakgethwa ba šegofaditšwego. Bjale go bjalo ka ge go boletšwe, “Rena ba re phelago gomme ra šala re ka se ke ra šitiša bao ba robetšego. Phalafala e tla lla, bahu ba tla tsoga pele; gomme re tla tšewa mmogo le bona.” Ge letago la Modimo le tla be le le godimo ga lefase, le tla uta Kereke go tloga go tšwa go lefase. Le bile le ka se E bone ge E tloga.

<sup>194</sup> Tate Modimo, boloka ba ka diatleng tša Gago. Ke ba Gago. Ke a rapela, Modimo, gore re sepele ka go ikokobetša pele ga Gago. Ga re tsebe gore nako ye kae. Ga re dume go tseba gore ke nako ye kae; ga se taba ya rena. Yeo ke taba ya Gago. Ga se dithato tša rena go tseba gore O tla tla neng. Ke thato ya rena, Morena, go itshwara go kokobela go fihla O etla, le go sepela le

Wena. Ke tumo ya rena go Wena gore o no itsebatša Bowena, gatee ka sebaka, Tate, magareng ga rena, gore re no kgona go bona gore re sa sepela le Wena.

<sup>195</sup> Re lebalele dibe tša rena tša go feta. Re hlahle gomme o re šireletše go molaba wo mongwe le wo mongwe wa yo mobe, ka lebaka la bokamoso. Re ete pele gomme o re hlahle, O Modimo Tate wa rena. Re lebalele dibe tša rena gomme o re thuše go ba bana ba Gago. Re batho ba leemo la fase. Re balahlwa, ke ditšhaba tša lefase le, ka dikereke tša maina tša dikereke.

Re bona mafelelo. Gomme re leboga Wena ka leihlo la semoya ka go Lentšu la Gago, go bona nako ya mafelelo, ka gore dilo tše ka moka di swanetše go tla go ye kgolo ya go kgatlwa ke maswika go tšwa Legodimong. Re thuše, Morena, gore re se be mo ka letšatši leo, eupša re be re ile ka Bogoneng bja Gago, re fofetše difarong tša Gago.

<sup>196</sup> Fodiša balwetši le bahlokofatšwa, Morena. Re a rapela bošegong bjo gore O tla re fa tirelo ye kgolo, a nke go se be le motho wa sekokana magareng ga rena, ka baka la Bogona bja Gago, Morena. A nke dipelo tša rena ka go tšwela pele di bewe go Wena. Gomme re a tseba, Morena, tšhelete yela, thoto, dilo tša lefase ga di bolelele selo, e no ba tša sebakanyana. Ka moka ga tšona di swanetše go sepela. Mešomo ya rena, mafelo a rena, bagwera ba rena, se sengwe le se sengwe se swanetše go tloga. Go sa kgathale gore o humile gakaakang, o diila gakaakang, o tlwaelegile gakaakang goba re se ra tlwaelega, ka moka e swanetše go tloga. Eupša go na le selo setee seo go ba ga rena mo go itshamilego go se dikologa, gomme seo ke Jesu Kriste. Ka fao, Modimo, a re bee le selo se sengwe le se sengwe ka thoko bjalo ka sa bobedi, gomme re swarelle go Yena. Gomme Yena ke Lentšu. E fe, Morena.

<sup>197</sup> Lentšu le le hlatsetšwego la iri! Lentšu le le hlatsetšwego la matšatši a Moshe e be e le Jesu. Lentšu le le hlatsetšwego la letšatši la Jesaya, Eliya, Johane, ka moka, e be e le Jesu. Gomme Lentšu le le hlatsetšwego la lehono ke Jesu, yo a swanago maabane, lehono, le ka gosafelego. Re thuše, Morena, go dumela seo, go bona leo, le go sepela ka go lona. Re—re kgopela ka la Jesu Leina.

<sup>198</sup> Ge dihlogo tša rena di inamile, ke ipotšiša ge eba go ka ba le yo motee ka mo yo a se a ke nnete a dira yela ye kgolo, ya go se lekanele moka . . . O a Le dumela, eupša go no Le dumela ga se gwa lekanele.

Ke dumela gore mosadi wa ka e be e le mosetsana wa go loka. Ke tsebile tatagwe, le mmagwe. Ke mo tsebile mengwaga le mengwaga. O sepetše bophelo bja go otlologa. Ke dumela gore e be le mosadi wa go loka, eupša seo ga se sa mo dira wa ka. Ga se a ke a ba wa ka go fihla ge, yena, ke mo amogela, a nkamogela.

Bjale Jesu o nyaka go go amogela. Na o ka se Mo amogele gomme wa ba karolo ya Lentšu la Gagwe? Ge o se wa be wa dira seo, dihlogo tša lena di inamile gomme le dipelo tša lena di inamile, ke a tshepha. . .

<sup>199</sup> Ga go na kamora ya pitšo ya aletara mo. Ga se nna yo montši go bona, go le bjalo. Ke dumela gore Modimo o go etela thwi fao o leng. A o ka emiša diatla tša gago, wa re, “Ngwanešu Branham, nkgopole ge o rapela. Ke nyaka go dira seo.” Modimo a go šegofatše. “Ke. . .” Modimo a go šegofatše. Nna, diatla mo gohle! “Ke nyaka go ba ka mokgwa wo.” Modimo a go šegofatše, ngwanešu. Šegofala, ngwanešu; lena ka moka, go dikologa. “Ke nyaka go ba seo.” Modimo a go šegofatše. . . “Ke nyaka ka nnete go ba seo. Ke—ke a e bona.”

Go lokile, bjale, lebelela, mogwera, go ka no ba se sengwe se sennyane. . . Ge o se seo, gona go na le se o itshamilego go se dikologa ntle ga seo. O tloge o le kgauswi le sona, o se lebeletše. O a se bona. O se bone mengwaga, se sepelela godimo. O se bona se etla go butšwa bjale. Ge eba se se ra se sengwe le se sengwe go rena, gomme ga go se sengwe gape se se yago go tšea nako eupša Seo, go reng o sa no sokološa hlogo ya gago go tšwa go selo se o beng o se lebeletše gomme wa itshama ka Yena? Yoo, kokwane ya bophelo ka moka, ka moka morago ga se, ke Yena. Na o ka se dire seo, ge re rapela mmogo?

<sup>200</sup> Morategi Modimo, ge diatla tša banna, basadi, bašemane, basetsana, gape le badiredi, ba emišitše diatla tša bona. Ba—ba nyakile go—go re ba nyakile go itshama thwi go dikologa Morena Jesu, gomme go le bjalo go lebelelega nke ba ka se e dire. Go na le se sengwe se ba gogelago ka tsela *ye*, le tsela *yela*. E ka no ba kereke ya leina, e ka no ba motho, e ka no ba sebe, e ka no ba se sengwe ba se fihlago ka pelong ya bona. Ga ke tsebe, Morena. Wena o a tseba. Se sengwe le se sengwe e leng sona, a nke bjale, Morena, ge O bitša ba bangwe. . . O feditše go bitša bona. Ke ba Gago.

Gomme ge Wena o ba bitša, a nke ba tlemologe go seo, sebe se tšaišago, bjalo ka ge Beibele e boletše. “Re tloge go sebe seo se re tšaišago ga bonolo, gore re kgone go tšhabeša lebelo ka kgotlelelo le le beilwego pele ga rena, re lebeletše go. . .” Eng, go mošomo wa rena, go kereke ya rena ya leina, go bao re gweranego le bona, go dikhantshele tša rena? “Go Kriste Mothomi le Mofetši wa tumelo ye re nago le yona ka go Yena.” Dira seo, Tate, re direle lehono, ka gore re kgopela ka Leina la Gagwe le letagong la Gagwe.

<sup>201</sup> Gomme bjale ke ba Gago, Morena. Dira ka bona ka ge O bona go swanetše. Dira ka rena ka ge O bona go swanetše. Re ba Gago. Ka Leina la Jesu. Amene.

Ke a Mo rata, ke a Mo rata  
 Gobane O nthatile pele  
 Gomme o rekile phološo ya ka  
 Godimo ga mohlare wa Khalibari.

<sup>202</sup> A naa le lebetše ka dijo tša bošego? A le lebetše ge eba bana ba ka moka ba gabotse, ka ntle ka koloing, goba aowa? A le lebetše ka moka ka tše di fetilego, gomme la lemoga gore ke eng se le se kwago bjale? E ya bonagala pele ga lena, letšatši ka letšatši. Le a bona? A seo e be kokwane ya eng kapa eng. A dilo ka moka di tloge go lena; di ya go senyega, go le bjalo.

Oo, e no tšwelang pele le Mo latela! Le a bona? Bjale ka ge Elisa a latetše Eliya, a re Mo lateleng. Ka gobane re swanetše go tšeelwa godimo, le rena, letšatši le lengwe. Re bone koloi ya Mollo ye ya go Mo kukela ka ntle ga lebitla. Re a E kwa magareng ga rena bjale. Letšatši le lengwe O ya go tlemolla dipere go tšwa sethokgweng. Re ya godimo. Na ga le Mo rate?

Gomme o patella phološo ya ka  
 Godimo ga mohlare wa Khalibari.

Oo, na o ka se re kgauswi wa no tswalela mahlo a gago gomme wa Mmona a lekeletše kua?

Ke a Mo rata, (ke mang yo mongwe nka mo ratago?) Ke a Mo rata  
 Gobane O nthatile pele  
 Gomme a patella phološo ya ka  
 Godimo ga mohlare wa Khalibari.

<sup>203</sup> Nako ye nngwe le ye nngwe ge ke boela gae, yo mongwe o tlogile. Ke tla be ke sepetše dikgwedi tše mmalwa, ka bowa, yo mongwe o tlogile. Ke a nyama ka mehla ge ke bowa.

Letšatši le lengwe, mošemane yo ke ileng sekolong le yena, a etšwa tlase mokgotheng, o rile, “Helo, Billy.”

<sup>204</sup> Ke ile ka mo lebella, o be a le mohlankana yo monnyane yo mokaone, moriri wa nnete wo moswana wa go benya o kametšwe morago; bjale ke wo mošweu bjalo ka lehlwa. O be a otlologile; dimpa di tšwele ka mokgwa wo. Ka re, “Helo, Jim.” Ka mo lebella.

Ka kwa ka pelong ya ka, ka gopola, “Modimo, mošemane yola le nna, monna yola le nna, re ba mengwaga e tee.”

Ka gona, ke tseba gore matšatši a ka a badilwe. Ke tseba gore e ka se be telele kudu. Ke lebella go dikologa, gomme ka gopola, “Na nka dira eng, Morena? Nthuše. Ga ke nyake go ya pele ga Gago. Ke nyaka go ba ka morago ga Gago thwi—thwi. Wena O etepele tsela.” Ka lebella, gomme ka nagana, “Mengwaga ye masometlhanotshela ka bokgale, oo, nna, e ka se be telele kudu!”

<sup>205</sup> Gomme ka lebelela tlase, ka bona mogwera wa ka Bill Dauch a dutše fale, masomešupapedi goba masomešupatharo a mengwaga ka bokgale. Ke lebella go dikologa, ka bona bana



ba, ba nagana, “Go lokile, ke tla letela go fihla ke lekana le Ngwanešu Branham ka bokgale, ke tla nagana seo.” Hani, o ka no se hlwe o bona seo. Ke belaela kudu gore wena o ka se bona. Le a bona? Eupša, e no nagana, ge Ngwanešu Bill Dauch a phela go kgabola letšatši le, o tla phela go feta makgolo a lesometlhano-, batho ba mengwaga ye lesometshela. Ba a hlokofala iri ye nngwe le ye nngwe.

Na e dira phapano efe gore o na le mengwaga ye mekae! Na o dira eng ka iri ye o phelang go yona? Na o direla Jesu eng ka nako ye? Le a bona? Oo, ke nyaka go Mmona. Ke nyaka go bona iri ke lebella gomme ke bone mebele ye ya kgale ka moka e fetolwa, ke e bone “e fetolwa ka lebakanyana, ka go panya.” Ge eba seo ga se bjalo, gona re batho ba ditlatla; eja, enwa, gomme o hlalale, gobane bosasa o a hlokofala; le a bona, le no swana le phoofolo, le a hwa gomme la ya ditšhileng gomme ke ka moka. Eupša gona le ya go hwa . . . go na le soulo ya go se hwe e phela ka go wena, ngwanešu. Re feditše go kwa go tšwa Legodimong. Re feditše go e bona e hlatselwa. Re tseba gore O gona, moputsi wa bohle ba ba Mo nyakago ka phegelelo.

Bjale, maloko a Mmele wa Kriste, ge re opela yela gape, ke no nyaka le dule ditulong tša lena gomme le šišinye diatla tša lena yo motee tša yo mongwe ge re opela yela gape.

Ke . . . (e no dumediša ngwanešu, kgaetšedi)  
 ke a Mo rata  
 Gobane . . . (Richard!) . . . nna  
 Gomme a patella phološo ya ka  
 Godimo ga mohlare wa Khalibari.

<sup>206</sup> A le a Mo rata? E reng, “Amene.” [Phuthego e re, “Amene.”—Mor.] A le rata Lentšu la Gagwe? E reng, “Amene.” [“Amene!”] A le rata morero wa Gagwe? E reng, “Amene.” [“Amene!”] A le rata Mmele wa Gagwe? E reng, “Amene!” [“Amene.”] Bjale, le rataneng seng sa lena. Amene! Seo ke therešo. “Se ka moka batho ba tla tseba gore le barutiwa ba Ka, ge le ratana yo motee go yo mongwe.”

Bjale ke beile diatla tša ka mo go disakatuku tše, ge le swanetše go di hwetša pele ga bošego.

<sup>207</sup> Ke ya go ba le Ngwanešu Richard Blair . . . Modimo o arabile dithapelo tša gagwe, yena le ngwanešu fa, ba rapela letšatši le lengwe, gore ba boetše mošemane yo yo monnyane a dutšego magareng ga rena lehono, yo a phelago, ka baka la tumelo ya bona go Modimo. Bjale ke ya go mo kgopela a re phatlalatshe ka lentšu la thapelo, sebakanyana se se sekae, gore re kgone go bowa gape morago bošegong bjo.

E ka ba feela metsotso ye mehlano ka morago ga lesomepedi, ka sešupanako sela. Gomme ke le nyaka le bowa morago bošegong bjo, ge le ka kgona, ge le le tikologong. Ge le swanetše go ya gae, a nke Modimo a le fe lebelo tseleng ya

lena, le go le thuša, le go le šireletša. Ge le ka kgona go dula, gomme le nyaka go dula, le amogetšwe go dula. Modimo a be le lena bjale.

Go fihla re kopana! go fihla re kopana!  
Go fihla . . . (a re emišeng diatla tša rena go  
Yena) . . . re kopana maotong a Jesu;  
Go fihla re kopana! go fihla re kopana!  
Modimo a be le lena go fihla re kopana gape.

[Ngwanešu Branham o thoma go hama *Modimo A Be Le Lena*—Mor.] Yeo ke tsela ya go tloga ngwakong wa Modimo, ka thapelo, ka boikokobetšo, re tshepa gore re tla kopana gape bošego bjo. Ge re sa dire, “Modimo a be le lena go fihla re kopana gape!”

A re inamišeng dihlogo tša rena. Ngwanešu Blair.



*GO LEKA GO DIRELA MODIMO TIRELO LE  
GE E SE THATO YA MODIMO* NST65-0718M

(Trying To Do God A Service Without Being The Will Of God)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mesong, Julae 18, 1965, mo Branham Taberenekele ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)